

५४

दर्ता नं.:४८/२०७६/७७

पुर्खा दय्क तकगु सम्पत्ति, भीगु कला व संस्कृति
पिकाक-भक्तपुर नगरपालिका



पुर्खा दय्क तकगु सम्पत्ति, भीगु कला व संस्कृति

ख्वप

नेपाल संवत् १९४१ पोहेलाथ्वः / २०७७ माघ १५ / 2021 Jan./ ल्याः २८, दाँः३



ख्वप नगरपालिकाया

च्याकगू नगरसभा

ख्वप नगर प्रमुख जुं बुटवल उपमहानगरपालिकाया उपप्रमुख
गुमादेवी आचार्य नपालाड' दिल (२०७७ माघ ९ गते)



तारा मा.वि. या प्र.अ. पुष्पलाल सुजखुया बिदाइ
(२०७७ माघ २ गते)





डरूप्यंगूगु खप पौ. बःछि पौ(पाक्षिक)

; DkfbSlo

@)&& df3 !%, C^a\$ %\$, jif{@

नेपाल मजदुर किसान पार्टीता भिन्तुना

नेपाल मजदुर किसान पार्टीया स्थापना २०३१ साल माघ १० गते जूगु खः । थुगुसी पी खुदा फुड पी न्ह्यदा क्यंगु खः । पार्टीया नेता कार्यकर्तात देया थी थी जिल्ला-जिल्लाय् वाडः सभा, जुलुस, प्रशिक्षण, अन्तरक्रिया, छलफलया ज्या इवःत न्ह्याकः जनताता पार्टीया उद्देश्य ध्वाथुइक कानय्गु ज्या याड च्वंगु दः ।

मार्क्सवाद, लेनिनवाद व माओत्सेतुङ्ग विचारधाराता मार्ग निर्देशक सिद्धान्त काथं डाल वयो च्वंगु नेमकिपां कानुनी व गैर कानुनी संघर्षयायां देश्य जनताया प्रजातन्त्र व समाजवाद जु जुं साम्यवादी समाज थापना याय्गु उद्देश्य हज्याड च्वंगु दः । पार्टीया उद्देश्य पू वांकयता छगू छगू निर्वाचनय् ब्वति कायो जनताया सेवाखय् छ्यलः वयो च्वंगु दः । न्हँगु संविधान दय्के धुकः लिपा दयकगु राज्य पुनः संरचना काथं संघ, प्रदेश व स्थानीय तहया निर्वाचनता नं पार्टी उपयोग याड वयो च्वंगु दः ।

मोहियानी हक सुरक्षाया आन्दोलन, भर्पाई आन्दोलन, भ्रष्टाचार विरोधी आन्दोलन जाली-फटाहा विरोधी आन्दोलन थजगु जनताया जीवननपां तप्यंकः स्वापु दःगु विषयता कायो मदिकक आन्दोलन याड वयो च्वंगु नेमकिपां भारतीय विस्तारवाद, अमेरिकी साम्राज्यवादया विरोध अमेरिकी साम्राज्यवाद इराकय् यागु दमन, लिबियाय् साम्राज्यवादी सेनां यागु हस्तक्षेपया विरोध नपां क्युबा, प्रजग कोरियाया देशभक्तिपूर्ण आन्दोलनता ऐकेबद्धता प्वंकः वयो च्वंगु दः ।

वामपन्थी व दक्षिणपन्थी अवसरवादया विरोधय् मदिकक सैद्धान्तिक संघर्ष यायां नेमकिपा नेपःया कम्युनिष्ट आन्दोलनय् छप्वा थीगु मता(प्रकाश स्तम्भ) थें धस्वाड च्वंगु दः । अपलं मनूया संख्या (ल्या) स्वयो गुणता महत्व बियो, म्हूंतुं नुवाय्गु बोली स्वयो ज्या खं व्यवहारय् क्यडः, इमान्दारिता व पारदर्शीता क्यनय्गु नेमकिपाया विशेषता काथं हब्वयो वयो च्वंगु दः ।

पार्टी निस्वांसां निसें पार्टीया परिपक्व व कुशल नेतृत्वं छुं नं विषय पश्चाताप याय् मायकः द्रंगु मरुनि । पार्टीया द्रलंकार्यकर्ता, पार्टीया हानय् बहम्हा नायो का.नारायण मान बिजुक्छें (रोहित) व थःगु गौरवशाली पार्टी नेपाल मजदुर किसान पार्टीता तस्कं गर्वयाड च्वंगु दः ।

पार्टी धाय्गु मनूतय्गु भीड मखु । छगू बिचः, सिद्धान्त व दर्शन ज्वडः वर्गीय आधारय् निस्वांगु अनुशासित मनू तय्गु पुचः खः धाय्गु मान्यता ज्वड नेमकिपां राजनीतिता इमान्दारी पूर्वक देश व जनताया सेवाया लागिं जुयमः दक बः याड वयो च्वंगु दः । राजनीति दुनयँ वगु विकृति व विसंगतिया विरोधयासे समाजता सभ्य व सुसंस्कृत दय्केता नेमकिपां मदिकक कुतः याड च्वंगु दः ।

देश्य दुनय् प्रतिनिधिसभा विघटनया घटनाता कायो स्वाभाविक व औचित्यपूर्ण जूगु बिचः तः तं देया छगू छगू घटनाता स्पष्ट ब्याख्या व विश्लेषण नपां जनताया दश्वी तयो वगु नेमकिपाया नेपालया राजनीतिक इतिहासय् बिस्कं म्हासिइका पिब्वयो वगु दः । पार्टी दुनयँ न्हँगु पुस्ताया कार्यकर्तात अपलं उत्साहित जुयो मन क्वसाय्कः पार्टीया नीति व कार्यक्रमता जनताया दश्वी थयंकय्गुलि तस्कं सक्य जुयो ज्या साड च्वंगु दः ।

बिचः खय् स्पष्ट, सुयागु ग्याचवः (डर-घम्की) खाडः मग्यासिं पार्टीया सिद्धान्तय् छति हे इगिदिगी मसांसें संघर्ष यायां वगु नेमकिपां व्रैगु दिनय् नं मदिकक देश व जनताता हँनय तयो ज्या सानय फयमः दक 'खप पौ' बःछि पौ या परिवार पाखं दुनुगलं निसें भिन्तुना देछायो च्वडा ।

पिकाक-खप नगरपालिका/सम्पादक-आशाकुमार चिकंञ्जार, डेस्कटप-धन लक्ष्मी त्यात, आवरण सज्जा-रेणु ध्वजू, थाकू- भक्तपुर अफसेट प्रिन्टर्स फोन ल्याः ०१-६६१३०४३, ई-मेल- khwopapau@gmail.com



थाकु चाइगु, धैर्य त्वःतिगु व ग्याइगु प्रवृति पाखं जोगाय् जुयो हज्याय् मः

डय्प्यंगुगु स्वप पौ, बःछि पौ(पाक्षिक)



का.नारायणमान बिजुक्छें (रोहित)

न्ह्यस : नेपाल मजदुर किसान पार्टीया पी न्ह्यकगु निस्वाना दिवस (स्थापना दिवस) गथे याड डायकिगु ग्वसः दः थै ?

लिस : नेपः या थी थी जिल्ला नगर व गां गामय् कक्षा सञ्चालन, अन्तरक्रिया, अध्ययन कक्षा, साफू ब्वज्या, कोभिड १९ भ्व ल्वचं मथिइक मपुंकः सामाजिक दुरी कायम याड बराबर साभूं थाड लाहासिल, स्यानिटाइजर बुयो, मास्क तयो भेला, बैठक, कोण सभा नपां जनसभात तयो वहे पाखं ज्या साड नैपुं ज्यापु-ज्यामि पिनिगु दश्वी नेपाल मजदुर किसान पार्टी सैद्धान्तिक आधार, वर्गीय दृष्टिकोण व जनताया सेवाख्य ज्यायाय्गु उपाय व नीतिगत विषयलय शिक्षित याय्गु काथं नेमकिपाया स्थापना दिवस डायकी ।

न्ह्यस : नेपाल मजदुर किसान पार्टी पुष्पलाल जी या नेतृत्वपाखं छु कारणं अलग जुयो बिस्कं पार्टी निस्वाडः रांके माला? स्पष्ट याड दिला थै?

लिस : पुष्पलाल जि या नेतृत्वया नेकपा नपां बिस्कं नेमकिपा स्थापना याय मःगु या कारण थथे दः -

वि.सं. २०२० निसैं २०३० या छगू दसक नेपः या कम्युनिष्ट आन्दोलन विसृङ्खलित स्थिति ख्य थ्यंगु खः । नेकगु महाधिवेशनय् डा. माझीया नेतृत्व संशोधनवादी राजावादी व विघटनवादी सावित जुय धुंकगु जुल ।

नेकपाया पूर्वमहासचिव मनमोहन अधिकारी, शम्भूराम श्रेष्ठ व डीपी अधिकारी नं अथेयाय् थथेयाय् मदयो च्वंपुं अन्यौल व विघटनवाद सावित जुल ।

निर्मल लामा, मोहन विक्रम सिंह व जयगोविन्द साह अथे धाय्गु चौथौ महाधिवेशन (थौं या राष्ट्रिय जनमोर्चा) न्हपां भारतीय एकाधिकार पुँजी व भारतीय विस्तारवादया विरोधय

दःगु खःसा नं राजा व राजतन्त्रता मुख्य दुश्मन काथं काला । थौं या एमाले (ओली समूह) भापाय् ब्यक्ति हत्याया नीति खं याड ब्यक्तिगत आतङ्कवाद वा रुसी नरोदवादी गालय् दुं दुं वाड च्वंगु जुल ।

पुष्पलाल जी व पासापुं राजा व राजतन्त्र मुख्य दुश्मन खः धायो नपां नेकां संयुक्त मोर्चा मयासिं पञ्चायती ब्यवस्था न्हांकः ह्यूपा ह्य् मफैगु खाँ ल्हाड जुला ।

नेपःया कम्युनिष्ट आन्दोलनया थजगु विसृङ्खलित स्थितिया इलय् अन्तर्राष्ट्रिय कम्युनिष्ट आन्दोलनय् रुसी संशोधनवादी खुश्चेभ गुटं विश्व कम्युनिष्ट आन्दोलनता विश्वासघात याडः सं.रा. अमेरिकी साम्राज्यवादया नेतृत्वया नाटो गुटता ग्वाहाली याड च्वंगु ई खः । सं.रा. अमेरिकी व बेलायती साम्राज्यवादी नपां रुसी सामाजिक साम्राज्यवादया ग्वाहाली ख्य भारतीय एकाधिकार पुँजी व विस्तारवादं समाजवादी चीनय् आक्रमण याड एशियाली - अफ्रिकी व संसारया तटस्थ व असंलग्न आन्दोलनता कमजोर याड च्वना । पूर्वी पाकिस्तानय् भारतीय सेनां आक्रमण याड पाकिस्तानं क्वचाथयो बङ्गलादेश दयकला । थुख्य सिक्किमता नं भारतय् स्वाड छ्वय धुंकगु जुल ।

नेपः या कम्युनिष्ट आन्दोलन विसृङ्खलीत जुय धुंकगुलिं डा. माझी गुट बाहेकया मेगु पुचः विद्यार्थी फेडरेसनया थासय् आखिल नेपाल विद्यार्थीसंघ या नां तयो नेपःया सुस्ताय् भारतं त्यल कःगु व पञ्चायत विरोधय् खानय् दत । अथेनं राजा महेन्द्रथाय् 'भैलो म्हायत 'अखिल' जुजुवादी गालय् दुड वाना ।

अजगु अखय्स्व थखय् स्व मरुगु अन्योल व अस्पष्ट स्थितिख्य जिमिसं पी.एल. नेतृत्वया पार्टीख्य 'रुसी संशोधनवाद सामाजिक-साम्राज्यवादमा पतन' जूगु, नेपः दे ता भारतं क्वत्यःगु, बङ्गलादेशय् भारतीय सेनां कब्जे कःगु व सिक्किमता भारतय् दुतिड छ्वगुलिं भारतीय एकाधिकार पुँजी व भारतीय विस्तारवाद मुख्य दुश्मनया काथं हे कायमःगु अडान, 'नेपालया मजदुर व किसान तय् दश्वी समाजवाद व साम्यवादी सिद्धान्तया प्रचार नपां शोषणया विरुद्धय संघर्ष हज्याकय्ता मजदुर व किसान संघर्षता हकनं हज्याकय्गु नीति ह्छ्यात । नेपालय्



मार्क्सवाद - लेनिनवाद व माओत्सेतुङ्ग विचारधारा ज्वड वर्ग संघर्ष पाखं साम्राज्यवाद व विस्तारवादया विरोधय जनमत तयार यायुता संघर्ष यायगुलि बः बिया ।

चवयया जिमिगु दृष्टिकोण व नीतिता पार्टी दुनं अस्वीकार यात । मिलय जुयो ज्या सानय मफैगु षड्यन्त्रकारी गतिविधिया विरोधय बिस्कं सड्गठन याड संघर्षयायगु निर्णय काथं 'रूसी संशोधनवाद सामाजिक साम्राज्यवादय पतन' नेपाल कम्युनिष्ट आन्दोलनमा देखा परेका खोटा विचारहरुको खण्डन, 'नेपाल भारत सम्बन्ध र भारत' थी थी साफूत प्रकाशित याडा । 'जनताको साहित्य' नेपालया तराई व भारतय च्वनिपुं नेपाली व भारतीय ज्या साड नैपुं ज्यापु-ज्यामि जनताता नपां बिचः याड हिन्दी भाषां 'आधार' 'समाचार संसद' 'धुब्र तारा' 'नेपाल तराई' व बारा, पर्सा, रौतहत, धनुषा, सिराहा व सप्तरीया ऐतिहासिक किसान आन्दोलन छगू अध्ययन लगायतया सम-सामयिक पत्रिका नपां साफूत पिथाडा ।

नेमकिपां कःगु सिद्धान्त, विचार व दृष्टिकोण अनुसार नारायणी, बागमती व जनकपुर अञ्चलय सड्गठन व संघर्षता हछ्यायगु नपां भेरी, कर्णाली व सगरमाथा अञ्चलय सड्गठन बढे याड यंकल । सिद्धान्त व व्यवहारत मिलय याड ज्यासाड नैपुं जनताता भिं यायगु मतिं निस्वार्थ रूपं हछ्यायुता छगू राजनीतिक दलया आवश्यकता जगुली नेमकिपा निस्वांगु खः ।

कम्युनिष्टधायक जपुं गुलिं कार्यकर्ता व नेतातयके मार्क्सवाद, लेनिनवाद, माओत्सेतुङ्ग विचारधारा विश्वया मजदुर व किसानतयगु इतिहास व कम्युनिष्ट आन्दोलनया दुग्यंगु अध्ययन यागु नं मरु, याकगु नं मरु । चुनावबलय ल्यासे-ल्याम्होपिंगु भोत कायुता व अमिता भोत फ्वंकयु बियता जागिर नकबिय धायो, ठेक्कापट्टा मिलेयाड बिय धायो, विदेश्य छ्वयगु ज्या मिलय याड बिय धायो, छात्रवृति मिले याड बिय धायो, छुं नं अपराधयाड ज्वड यंकल धःसा च्छी न्हिच्छी हे कुंकयु मखु धायो, मालिबलय ज्या बिय धायो अनेक लोभ क्यड समाजय अपराधीत ब्वलांकयगु आश्वासनत बियगु ज्या शासक दलत नेकपा, नेकां व मेमेगु शासक दल तयसं याडवयो च्वंगु दः । स्वापु दःसां निसें हे ल्यासे-ल्याम्होपिन्ता दोषपूर्ण शिक्षा (कु-बु द्वि) स्यं स्यलिं छपला-छपला यायां पला ट्रंकं ट्रंकं अपराधी ज्या खय फसय यायां यंकगु कारणं छगू गल्ती धुंकः मेगु गल्ती यायां अपराधी ज्याखय फसय जूजुं, फसय यायां वानिगु कारणं क्रान्तिकारी कार्यकर्तात व नेतात खानय मदयो च्वंगु खः ।

ड्यप्यंगु स्वप पौ. बःछि पौ(पाक्षिक)

न्ह्यस : नेपाल मजदुर किसान पार्टी समाजवादी आन्दोलनय याकचा हे ल्वाड च्वंगु दः । नेमकिपाया कार्यकर्तातयता कम्युनिष्ट नांया पार्टी थःपिसं थी थी लोभ क्यड तह्य्याड कायगु कम्युनिष्ट चरित्र खः ला ? थजगु ज्याखं समाजवादी आन्दोलन भन लिपा मलाइला ?

लिस : खुयो कायमते, हिंसा यायमते, मेपिन्ता नुगलय स्याकयगु ज्या यायमते, धायगु बुद्ध बचनता संसारे पूर्णरूपं मानय याकयुता नीडासदा फुय धुडानं पूर्ण रूपं मानय याकयु मफूनि । नेपाल मजदुर किसान पार्टी याकचां हे देशया फुक्क शासक दलनपां मदिक संघर्ष याड च्वंगु दः । थौं मखुसा कन्ह्यै धात्थेगु पार्टीया सत्यगु खाँ थुइकः सकारात्मक परिणाम वडबलय ब्यापक ज्या साड नैपुं ज्यापु - ज्यामि जनतां अनुभव याई तिति ।

नेकपा थौं गथे २-३ गुटय विभाजित जुयो च्वंगु दः । अलय गुलिनं ब्यूगु आश्वासनत पूंजीवादी ब्यवस्थाय पुरा याय मफैगुलिं थौं या थजगु फुट भन अप्वयो वानिगु खानय दः । मेदखय नेपाल मजदुर किसान पार्टी प्रति इमान्दार क्रान्तिकारी पिनिगु ध्यान अप्वयो वानिगु पक्का खः । गथे चिकुलां लिभः त्वतकिं मनूत लिभः पायुता वानि अथेहे अध्ययन व व्यवहारं बुलुहुँ -बुलुहुँ नेमकिपा पाखय छलफल यायां संगठित जुजुं वई । थाकु चाइगु, धैर्य त्वःतिगु व ग्याइगु प्रवृति पाखं जोगय जुयो हज्याय मः । छन्हू अवश्य आजु ई थ्यनि ।

न्ह्यस : नेमकिपाया गन्तव्य छु खः? कार्यकर्तापिसं अः याय मःगु ज्या छु खः? लाँपु तयड बिडिला थै ?

लिस : नेमकिपाया गन्तव्य समाजवाद व साम्यवाद हे खः । उकिया नितिं विश्व कम्युनिष्ट आन्दोलनया सफलता व असफलताखं सयक सिइक थुइकः वानयगु बांला जुई । न्हापांगु मजदुर वर्गया स्वर्ग पेरिस कम्युन (१८७०-७१) या ध्वार्य (भण्डा) नेला-प्यला आकासय फर फर ब्वयकगु खःसा सोभियत संघ व पूर्व युरोपेली देशय ४०-५० दाँतक समाजवादया अनुभवयाता चिनियाँ जनतां, प्रजग कोरियाली जनतां व क्यूवाली जनतां ५०-६० दातक समाजवादया अनुभव याता । थौं जनवादी गणतन्त्र चीनय गरीबी पूर्ण रूपं निर्मूल जगु नपां संसारया छगू औद्योगिक शक्तिखय हिइक यंक च्वंगु दः । चीनय कम्युनिष्ट पार्टी निस्वांगु सच्छीदा क्यंगु लसताय समारोह डायुकेता च्वड च्वंगु दः । अथे जगुलिं ज्या साड नैपुं ज्यापु ज्यामि नेपःमित थै संसारया फुक्क ज्या साड नैपुं कामदार जनतात भन उत्साहित जुयो मग्यासीं साहसपूर्वक सुखद भविष्य पाखय हज्याड वानि ।

निर्वाचन जनता सचेत याय्गु अवसर खः

- सुजिल प्रजापति

नेपाल मजदुर किसान पार्टी ज्या साड नैपुं कामदार वर्गता शासक वर्गया रूप्य ह्यगु उद्देश्य काथं २०३१ साल माघ १० निस्वांगु खः । थौं पीन्ह्यकगू स्थापना दिवस मानय याड च्वंगु इलय् नेमकिपाता थौं या अवस्थाय्तक ह्यता योगदान याड द्यूपुं सकल नेता व कार्यकर्तातय्ता दुनुगलं निसैं सम्मान याड च्वडा ।

ब्यापक जनताता राजनैतिक रूपं सचेत याड नेमकिपां जनताया प्रजातन्त्रता तत्कालीन व समाजवाद जुजुं साम्यवादतक थ्यंकय्गु दीर्घकालीन स्पष्ट उद्देश्य ज्वड ह्य्याड च्वंगु दः । पार्टीया उगु उद्देश्य पू वांकय्ता कानुनी व गैरकानुनी संघर्षता नपां नपां यंकेगु नीति पार्टी काकां वयो च्वंगु दः । निर्वाचनय् भाग कायो प्रतिक्रियावादी संघ-संस्थाय् द्रहैं वाड जनताया सेवा याय्गु कानुनी संघर्ष खःसा कानुन स्वयो प्याहाँ वाड जनताया भिं याय्या निति संघर्ष याय्गु गैरकानुनी संघर्ष खः । मोहियानी हक सुरक्षाया आन्दोलन, बाली लय्गु आन्दोलन व भ्रष्टाचार विरोधी आन्दोलनं थजगु थी थी काथंया आन्दोलनत नेमकिपाया स्थापना कालय निसैं याड वयो च्वंगु दः ।

नेमकिपां पञ्चायतकाल, बहुदलीय काल व थौं या गणतान्त्रिक व्यवस्थाय् नं छगू छगू निर्वाचनता छ्यलः वयो च्वंगु दः । निर्वाचनय् भाग काय्गुया अर्थ ब्यक्तिगत फाइदा काय्गु वा सुविधा काय्गुया नितिं मखु, जनताता राजनैतिक रूपं सचेत याय्या निर्वाचनय् भाग काय्गु नीति कःगु खः । नपां प्रतिक्रियावादी पिन्ता अःपुक त्याकय् मवियता पुँजीवादी तय्सं कृकृत्यया जात प्वलय्ता, जनविरोधी कानुन दय्के मवियता व जनताया पक्ष ज्या सानय्ता राजनीतिक स्पष्टताया लागिं निर्वाचनय् भाग कःगु खः । कम्युनिष्टतय्सं थवहे उद्देश्यं चुनावता छ्यलिगु खः ।

विश्व सर्वहारावर्गया महान गुरु का.लेनिनं चुनावय भाग काय्गु विषय स्पष्ट धायो द्यगु दः- चुनावं जनताता सचेत याय्या संसद दुनय संघर्ष याय्या सर्वहारावर्गं पुँजीवादी संसदय् ब्वति काय्मः । अलय् वर्ग संघर्षता संसद दुनयसं जक कुड तय्गु वा संसदीय संघर्षता हे अन्तिम संघर्ष दक मति तय्गु व संघर्षया मेमेगु निर्णायक माध्यमता उपेक्षा (बेवास्ता) याय्गु धाय्गु पुँजीवादी वर्गया पक्ष काय्गु खः ।

नेमकिपां संसदय् बहुमत ह्यो समाजवाद वैगु खायँ विश्वास याड मखु । संसद हे समाजवाद वै धाय्गु बिचः संशोधनवाद



खः । संशोधनवाद धाय्गु पुँजीवाद खः । अथेजगुलिं नेमकिपां निर्वाचनता सर्वहारावर्गया नेतृत्वख्य जुडगु समाजवादी क्रान्तिया लागिं ग्वाहाली जुडगु काथं छलफल याय्गुया लागिं छ्यली । अथेहे याड वयो च्वंगु दः । अथेजगुलिं नेमकिपा संसदवादय् मखु क्रान्तिकारी संसदवादय् विश्वास याई ।

सांसद समाजवाद वै धाय्गु रूसी संशोधवादी नीति अपलं देशं डालः छ्यल च्वंगु खः । अलय् वपुं फुक छपला-छपला याड पुँजीवादी पार्टीख्य हिलवाना वा प्रतिक्रियावादीतय्सं क्वत्यल छ्वता । सन् १७७७ ख्य चिली कम्युनिष्ट पार्टीया प्रमुख मनु राष्ट्रपति जुला । घरेलु नीति व परराष्ट्रनीतिख्य छुं भाति हियकय्गु स्वयं प्रतिक्रियावादी तय्सं आत्मसमर्पण वा मृत्यु मध्ये छगू ल्यो दक धम्की बिला । अथेनं वं आत्मसमर्पण मया बरु ल्वा ल्वां सिड वाना । कम्युनिष्टतय्ता तस्कं दमन याता । थथे संसदवादी व्यवस्था दुनय्या थी थी संरचनात स्यंकय् मफूतलय् निर्वाचनय् त्यागु आधारे जक समाजवाद वै धाय्गु बिचः गलत जुड धाय्गु उदाहरण चिली पाखं नं काय् फः ।

छम्हा नेम्हा नेता वा कार्यकर्ता तय्सं ब्यक्तिगत साहस व बलिदानी भावना दयां जक मगा, लक्ष्य प्राप्तिया लागिं लाँपु भिंगु जुयमः । मखुगु लाँपु ज्वडः समाजवादय् मथ्यनिगु जक मखु असम्भव खः धाय्गु शिक्षा विश्व कम्युनिष्ट आन्दोलनया शिक्षा खः । अथेहे कार्ल मार्क्स व ऍंगेल्सं कम्युनिष्ट घोषणा-पत्र ख्य धायो द्यु काथं-बलघ्वाड पुँजीवादी शासकतय्ता कामदारवर्गं राज्य सत्तां ककुतिड छ्वय्मः ।



डरप्यंगुगु खप पौ. बःधि पौ(पाक्षिक)

पुँजीवादीतयसं थमनं कायो वयो च्वंगु सुख सुविधाख्यं छुं भाति जक हे म्हवँचा याक्य बिइमखु । थःगु स्वार्थ ख्य भातिचाजक घः लातकिं पुँजीवादीत तस्कं निर्ममतापूर्वक दाड वै । चिली इन्डोनेशिया लगायतया देशत थुकिया उदाहरण खः ।

नेपःया स्वतन्त्रता व सार्वभौमिकता ख्य भारतीय विस्तारवादं मदिकक क्वत्यल वयो च्वंगु दः । नेप या प्रधानमन्त्री, गृहमन्त्री, रक्षा व अर्थ थजगु महत्वपूर्ण मन्त्रालयया मन्त्रीत नियुक्ति नपां भारतया सहमतिख्य याड वयो च्वंगु दः । नेमकिपां विश्वया देशया सार्वभौमिकताय् आँच वडगु ज्याया विरोध याड वयो च्वंगु दः ।

नेपालया प्रधानमन्त्री २०७७ साल पौष ८ गते प्रतिनिधिसभा विघटन याता । थुगु विषय अः तस्कं विवादित जुयो च्वंगु दः । पक्ष व विपक्षे तस्कं बहस जुयो च्वंगु दः । नेमकिपां प्रतिनिधिसभा विघटनता औचित्यपूर्ण व स्वाभाविक प्रक्या काथं कायो च्वंगु दः । निर्वाचन विश्व विद्यालयं थें जनताता राजनैतिक रुपं सचेत याय्गु अवसर नं खः । प्रजातन्त्र्य विश्वासयाडपुं सुनं राजनैतिक दलया नेतातयसं निर्वाचनया विरोध याड मखु । नेमकिपा निर्वाचनया हाँकता न्ह्याब्लें सामना याय्ता तयार दः ।

अः अदालतय् विचाराधिन मुद्दाय् दवाव लाइगु काथंया उद्देश्य तयो राजनैतिक दलया नेतात निसें न्यायाधिशपिसं नं नुवाड च्वंगु दः । सर्वोच्च अदालतय् विचाराधिन मुद्दाय् प्रभाव लाइगु काथं सर्वोच्च अदालतया न्यायाधिशपिसं वक्तव्य बियो हला । जिमिगु अनुमानं ओली सरकारलिपा न्हपायाय्थें खिल राज रेगमीता सरकारया नेतृत्व याक्य् ब्यथें याय् तांगु यां मखुला दक न्ह्यसः दां वडगु स्वाभाविक खः ।

छुं ई न्ह्यो नेपःया लागिं भारतीय पूर्व राजदूत श्यामशरणं छपू च्वसु ख्य व विवादस्पष्ट छबी मरुपिन्ता सरकारया नेतृत्वख्य ह्यगु कुतः जुयो च्वंगु दः जक च्वता थुकिया अर्थ खः छुं त्वहलय् चुनाव याक्य् मबियगु भारतया जः जुयफः । निर्वाचन जुय मफुसा केपी ओलीता नैतिकताया आधारय् राजिनामा याकिगु वयागु थासय् मेम्हा सुं तय्गु भारतया कुतः जुयो च्वंगु खाँ प्रष्ट जुयो वगु दः । श्याम शरणया च्वसु छापय् यागु छुं ई लिपा हे सर्वोच्च अदालतय् विचाराधिन मुद्दाया बारे पूर्व न्यायाधिशपिनिगु वक्तव्य संयोग जक खः धाय् फैं मखु ।

सुयाता राष्ट्रपति वा प्रधानमन्त्री द्यकेगु धाय्गु नेपाली जनताया थःगु आन्तरिक मामिला खः । नेपःया आन्तरिक मामिलाख्य हस्तक्षेप खः । सकल सचेत नागरिकपिसं थुकिया विरोध याय् मः । ख, नेपः देशं तः क हे नाकाबन्दी फय धुंकल । भारतया अनुमति मकसिं २०४५ सालय हतियार हला धाय्गु

त्वहख्य नाकाबन्दी यातसा भारतया अनुमति मकसिं २०७२ सालय संविधान घोषणा याता धायो (७ महिना) न्ह्यलातक नाकाबन्दी फयमाला । अः अदालतय् विचारधिन जुयो च्वंगु मुद्दाय् अदालतं उचित निर्णय बिहे बिई । देश मखुपुं मनूतय्गु लाहातय् लाइगु स्वयो निर्वाचन यक्व हे बांला । देया लागिं १०/२० अर्ब धेबा उली तधांगु खाँ मखु ।

गुलि मनूत - नेमकिपां ओलीया पलाया समर्थन याता जक हः जुला । धात्थेंगु खाँ यां नेमकिपां धायो च्वंगु- ओलीया सकृयताय् महाकाली सन्धी जुला । वं उब्ले धःगु खः - दाच्छीया छगू खर्ब नीगू अर्ब आमदानी जुइ दक । जनताया जीवनस्तरे आमूल परिवर्तन वै । उपग्रहपाखं मेमेगु देशय् बिजुली मिय फैं । उगु सन्धी नेपःया थःगु हे निजी महाकाली खुसी भारतया बच्छी भाग खः दक डालः कायकलसा महाकाली खुसीया फुक्क नाः भारतं थःगु याड काल । नेपालं थौं तक छुं हे फाइदा काय् मफः । उकीं महाकाली सन्धी खारेज याय्ता नेमकिपां सः श्वयक च्वंगु दः ।

प्रतिनिधि सभा व प्रदेशसभाय् नं ग्वम्हा त्याता व तहांगु खाँ मखु, धात्थेंगु खाँ यां देश व जनताया निति छु याता धाय्गु खः । नेमकिपां देश व जनताता हनय् तयो संविधान द्यकेगु व कानुन द्यकेगु लि छगू छगू विषयलय् ब्वतिकायो जनपक्षीय कानुन द्यके बिय गुलि बः याड वयो च्वंगु दः । गथेकि नेपःया सरकारं कृषिख्य विदेशी पुँजी लगानीया लागिं खुल्ला याता । व ज्या खं किसानतय्गु भिं मयाइगुलिं उगु निर्णय लिता काय्केता बः याड वयो च्वंगु दः ।

सन १९५६ या असमान सन्धीया विरोधय्, विदेशीतय्ता अःपुक नागरिकता विडगु कानुनी प्रावधान लिकायमःगु निजीकरण बन्द्याक उत्पादनया साधनत छगू छगू यायां सामाजिकीकरण याय मःगु नपां आर्थिक स्वतन्त्रता दैगु समाजवादी व्यवस्थाया आर्थिक नीतिया लागिं पार्टी बः बियो वयो च्वंगु दः ।

नेमकिपां थःगु स्थापना कालयनिसें विचलय दूढ जुयो मदिकक ज्या साड नैपुं कामदार वर्गया भिं जुइगु ज्या याड वयो च्वंगु दः । थौं तकया इलय् तकख्य अपलं नेता व कार्यकर्तातयसं अपलं परिश्रम व मेहनत याड द्यगु दः । पार्टीया विकासया नितिं जेल, प्रवास व भूमिगत जीवन बितय्याय् मःगु दः । वयकपुं सकल नेता कार्यकर्ता तय्ता अभ् सशक्त व जुभारु जुयो देश व जनताया इमान्दारी पूर्वक ज्या सानय फयमः दक भिंतुना देछाय् ।

(नेमकिपाया ४७ कगू स्थापना दिवसया लसताय सुखेंतय् माघ १० गतेया प्रवचन ज्या इवःसं ब्यगु न्वचु)

नेकपा दुनयया ल्वापु व राजनीतिक संस्कार

विवेक

‘राजनीतिक धाय्गु देश व जनताया इमान्दारीपूर्वक सेवा याय्गु खः । राजनीतिक कार्यकर्तात इमान्दार, सभ्य, सुसंस्कृत व सदाचारी जुई । थःगु ब्यक्तिगत सम्पति व थः जहान परिवार स्वयो नं देश व जनताता भिं याय्गु जक ज्या सानि ।’

कम्युनिष्ट पार्टी दुनय न्हँ न्हँ पुं कार्यकर्ता तय्ता अनुशासित जुयो, अजगु खाँ नुगलय् ध्वाथुइक हज्याड वःपुं कार्यकर्तात अनुशासित जुयो थाकु अःपु मधः सें देश व जनताया निंतिं ज्या सानि । अथे जगुलिं राजनीतिक कार्यकर्तातय्ता मिखाया नानीचा थें यः कि । सम्मान याई । अजपुं कार्यकर्ता तय्सं माल धःसा देश व जनताया निंतिं थःगु जीवन बलिदान याय्ता नं लिचिलि मखु । ‘सादा जीवन उच्च विचः’ ज्वड राजनीति सेवाया निंतिं धाय्गु मनं ग्वाकः सानी । श्वहे कारणं अमिसं जनताया मन त्याकः काई । वहे विश्वास अमिगु तः हांगु शक्ति जुई ।

अः ई पाय् धुंकल । पुँजीवादी पार्टीया नेतातय्सं जोगी जुयता राजनीति याय्गु मखु धाय्गु कुमतिं ज्या साड च्वना । अजगु मतिया मनूत अः नेकपाख्य न्हयलुवा जुयो हज्याड च्वना । राजनीतिदुनय मखुपुं मनू तय्सं पला तः सेलिं राजनीतिता ब्यापारथें याड हिल यंकला । चुनावया इलय् करोडौं तका दां हवलः डादाया दुनय उकिया सावाँ जक मखु मेगु चुनावय् हवलय्ता गाकः अल्याख सम्पति कमे याय्गु याता । नेपः या राजनीतिख्य विकृति, विसंगति, वगु व जनता तय्के राजनीति वितृष्णा वगु या मू हुनि श्वहे खः ।

अः धात्थे खय्कः औपचारिक काथं

नेकपा तज्याता जक धाय् मछिंसां ब्यवहारिक काथं ओली समूह व प्रचण्ड –नेपाल समूह दक बिस्कं-बिस्कं च्वनय धुंकल । पार्टीया च्वकानिसें हाँगः थयंकया नेतानिसें कार्यकर्ता तय्सं छम्हासिं मेम्हासिया जातः प्वलयगु याड च्वंगु दः । व नेगु पुचः या दश्वी छुं नं सैद्धान्तिक व वैचारिक ल्वापु मखु । पद व धेबाया खायँ ल्वापु थयो च्वंगु दः । अमिसं पिकाइगु जुलुसख्य शीर्ष नेतातय्ता निसें राष्ट्रपतितातक हे हःनय् लाक्व, जथाभावी बांमलागु खाँव नं छ्यलः अराजनैतिक ढंगं म्हुतुल्हाड च्वंगु दः ।

प्रधानमन्त्री केपी ओली प्रचण्डता कय्कः-‘मता स्याड मतपत्र खुइम्हा, थः थितिपिन्ता सुटुक्क पदय् हइम्हा दक द्रुपं बियो च्वंगु दःसा प्रचण्ड ओलीता जालीभ्नेली, सेटिड याड जुइम्हा निरंकुश, तानाशाही दक धः जुला । धात्थे अमिसं ब्यगु द्रुपं सत्य खःगू जुसा अजपुं मनू तय्ता नेकपां छाय् नेता दय्कला ? नेकपाया मेमेपुं नेता कार्यकर्तात उकिया जिम्मेवार खः ला कि मखु ? पार्टीया सामान्य कार्यकर्ता व विद्यार्थी नेतातय्सं उगु द्रुपं ब्यगु जूसा मेगु हे खाँ जुल । अलय् नेकपाया नायो नपां अजुयो च्वम्हा प्रधानमन्त्री खः सा प्रचण्ड देया नेकः प्रधानमन्त्री जुय धुंक्म्हा नपां नेकपाया मेम्हा नायो नं खः । देश चल्य् याइपुं नेतातय्गु अजगु तस्कं क्वहयंक खाँवलं म्हुतु ल्हाड च्वंगु न्यड राजनीति कर्मीपिन्ता ‘फाइम्हा सिया स्वयो स्वइम्हा सिया लाज’ धःथें जुयो च्वंगु जुयमः । नेता तय्गु थजगु ब्यवहार खाड नकतिनि-नकतिनि जक राजनीतिख्य पला छ्यपुं न्हँगु पुस्ताया कार्यकर्तातय्के निराशा वइगु नपां राजनीति धाय्गु बाँमलागु

जक वितृष्णा हयो बी ।

राजनीति दुनय मति, विचः मिलय् मजुयो अन्तरविरोध वयफः । विचः व सिद्धान्तख्य जुइगु अन्तरविरोधं पार्टीता भन दकय् बल्लाक यंकय्ता ग्वाहाली याई । अलय् नेकपाया ल्वापु ओली व प्रचण्ड-माधव गुटया थः थः गु ब्यक्तिगत ल्वापु थें जगु दः । तस्कं क्व हयोंगु बचं छ्यलः म्हुतु ल्हाय्गु ज्या राजनैतिक संस्कार मखु, जुय फैमखु ।

पुलांगु पुस्तां यागु त्याग, तपस्या व बलिदानता स्वयो न्हँगु पुस्ता हज्याई । गुरुं छु स्यना वया शिष्यमचां नं वहे सय्की । उकिं धायो तःगु खः-‘न्हाकमाँ पिड तुल्सीमाँ बुयो वै मखु ।’ थौं नेकपाया नेतातय्सं थःपुं फुक्क कार्यकर्तातय्ता मखुगु लायँ डाय्क च्वंगु दः । बाँमलागु खाँ स्यड च्वंगु दः । अः म्हुतुं जक मखु लाहा वाइगु तक या स्थिति खानय् दयो च्वंगु दः छाय् धःसा ‘तर्कहीन मनू तय्सं पशु थें बः छ्यली ।’

वाग्लुडया ग्वसः ग्वगु सभाय् गण्डकी प्रदेशया मुख्य मन्त्री पृथ्वी सुब्बा गुरुडं प्रचण्ड-माधव नेपालता ‘भारतीय दलालजक द्रुपं बिलासा प्रचण्ड गुटया कार्यकर्तातय्सं थःगु हे पार्टीया नेता व उप प्रधानमन्त्री ईश्वर पोखरेलता हाकुगु (भण्डा) ध्वायँ क्यड लाहावाय्गु स्वता । नपां पोखरेलया विरुद्ध चर्काचर्कांगु नारात श्वय्कला । छगू हे पार्टी दुनय छम्हासिं मेगु पक्षया विरुद्ध नाराबाजी याड, अपां कय्केगु ज्या याड हःसा देया राजनीति छु जुई ? थजगु ज्या इवः त स्वयो न्हँगु पुस्तां गजगु संस्कार सय्की ?

भारतीय विस्तारवादं नेपालय्



डरप्यंगूगु खप पौ. बःछि पौ(पाक्षिक)

राजनैतिक स्थायित्व जूगु स्वय मनदैमखु । २०४६ साल लिपा नेकाया न्हयलुवाय बहुमतया सरकार दयकला । नेका नं तज्यात अलय मध्यावाधि चुनाव जुला । लिपा एमालेता नेकाया प्रतिद्वन्दी काथं विकास याकला । २०५२ साल निसें सशस्त्र संघर्ष न्ह्याकम्हा माओवादी तयता नं सरकारय यंकला । थजगु फुक्क ज्याखय भारतया लाहा दः धायगु खाँ न्हिनय लिभालय थें छर्लङ्ग खानय दय धुकल । भारतं नेपालय समाजवादी क्रान्ति यायगु मतिं माओवादी तयता ग्वाहाली यागु मखु । वं नेपः देशय लाहापा द्वालयँ प्याखं ल्हुइम्हा सरकार दयकेगु काथं ज्या साड च्वनि ।

धात्थे धायगु खःसा नेकपा दुनय नेम्हा नायो दयकगु हे ल्वापुया पुसा हवःगु खः जक धाय फः । न्ह्यागुनं इलय पार्टी तछ्याय फँगु याडः भारतया इशाराय छगु हे पार्टी दुनयँ नेम्हा नायो दयकगु मखुला दक न्हयस नं दाँ वयो च्वंगु दः । छुं नं पार्टीया विधानकाथं नायो वा छयाञ्जे छम्हा जक मुख्य जुइगु खः । अथेनं नेकपा दुनयँ उलि हे हैसियत दःपुं नेम्हा नायो तयगु ब्यवस्था याता । अचम्बया खाँ यां थव खः कि उकिता निर्वाचन आयोगं नपां स्वीकृत बिला । निर्वाचन आयोगं दल दर्ता ऐन काथं नायो व (महासचिव) छयाञ्जेया जक ब्यवस्था यागु खः सा सायद नेकपां थौं या बिजोग स्वयमालि मखुला ?

प्रतिनिधिसभा विघटन छगु राजनैतिक घटना खः । थव न न्हँःपांगु खः वा दकलय लीपायाय नं मखु । राजनीतिखय थजगु घटनात जुयों तुं च्वनि । व संविधान काथं मिलय जू वा मजू दकः सर्वोच्च अदालतं निपं याई । छिनोफानो याई । अलय अदालतय विचाराधिन मुद्दाया विषयलय संसदयनपां न्हयसः थानय मरुगु ब्यवस्था दयकं दयकं राजनैतिक दलया नेता तयसं जक मखु सर्वोच्च अदालतया पूर्व न्यायाधिसजू पिसं नपां मंकः

वक्तव्य पिकायो अदालतता लिच्चः लाकयता स्वयो च्वंगु दः । थव स्वतन्त्र न्यायपालिकाया अवधारणाया अखः खः ।

विश्वविद्यालयया उपकुलपति, डीन, रेक्टर, प्राध्यापक, सचिव, विभाग प्रमुख व न्यायाधिशत नपां भागवण्डाखय नियुक्त यायगु याड च्वंगु दः । भागवण्डाखय नियुक्त जूपुं न्यायाधिशपिसं गथे स्वतन्त्र व निस्पक्ष न्याय बिई ? सत्तापक्ष व प्रतिपक्षया दथवी जुइगु भागवण्डा, पार्टी दुनयया आन्तरिक भागवण्डा खं गथे देशय भिंगु बांलागु ज्या याइगु आशा याय फँ ? शासक दलतयसं थःपुं कार्यकर्ता तयता गजगु संस्कार स्यड च्वना ?

शासक दलय अपलं भ्रष्टाचारी, गुण्डा, तस्कर, ठेकेदारत व अपराधी तयगु शक्ति अप्वयो वयो च्वंगु दः । अमिसं थःगु हाकगु धन्दा बचेयाड तयता नपां थः म्वाड च्वनयता करौडौ चन्दा बियो शासक दलय द्वहँ वयो बुलुहुँ पार्टी थःगु लाहातय लाकः लाकं वयो च्वंगु दः । पार्टीया च्वय च्वयया नेतातयता नपां अमिगु स्वार्थ काथं ज्या सांकयगुलि बाध्य यायां वयो च्वंगु दः । संसद, प्रदेशसभा व स्थानीय तहलय अजपुं अपलं मनूत द्वहँ वानय धुकल । चुनाव त्याकयता नेतात अमिगु हे शरणय मवांसी मगाड च्वंगु दः । करौडौ धेबा हवलयता नेता तयके धेबा गनानं वै ? वहे भ्रष्टाचारी गुण्डा, तस्करं, ठेकेदार तयता संरक्षण बियो तःगु या बापतय वइगु धेबा खः । सिकारी सिकार त्वः तय फँ, गाजीगुलुं गाजी सालयगु त्वः तय फँ, अयलागुलुं अयला त्वःतय फँ अलय भ्रष्टाचारी, तस्करी व ठेकेदारपिकय मचायक दुनं दुनं धेबा कायगु पल्केथुपुं पुँजीवादी दलया नेता तयसं व ज्या त्वः तय फँ मखु । गुकिया लिच्च खः, थौं कन्हे खानय दयो च्वंगु राजनैतिक विकृति ।

थौं या न्हँगु पुस्तात कन्हेया देश न्ह्याकिपुं कुविइपुं थांचा खः । देश व

जनताया सेवा यायगु स्वयो पद व धेबाया लोभय प्यपुनयगु खाँ स्यड हःपुं राजनैतिक कार्यकर्ता तयपाखं बांलागु ज्या याइगु आशा याय फँ मखु । राजनीतिक दल यायपिसं खराबपुं मनूतयता थथेयाड छुं गनां छुं हे मस्वसें दुकायगु खःसा पार्टी जकमखु कन्हेयँ देश हे ल्यं दै मखु ।

समाजय ह्युपा ह्युता परिवार, सम्पति फुक्क त्याग याड थःगु ल्याम्होगु बैसया जीवन जेलनेल, प्रवास, भूमिगत जीवन हाड वपुं देशय राजनैतिक ह्युपा ह्युता ज्या साड भःपुं अपलं मनूतयगु नां हे लुमांक छ्वय धुकल । राजनीति याड देश व जनताया सेवा याड जूगुलिं परिवारं अःतकनं दुःख सियो च्वना तिनि । अजपिनिगु 'दुःखी आत्मा' तयसं थौंया राजनीतिकर्मी पिनगु ब्यवहार स्वयो छु छु मति तैगु जुई ?

संसद विघटन जूयो खास पाइ मखु । हकनं चुनाव जुई, नपां न्हँगु संसद दयकी । अलय न्हँगु पुस्ताता राजनैतिक संस्कार मस्यन धःसा उकिं देश व जनताता दीर्घकालीन असर लाकी । थुजगु खाँ काड फुककसिता काँ कां सचेत यायां यंकय मः ।

खप नगरपालिका

नगर कार्यपालिकाया कार्यालय

ब्यासी, खप

खप नगरपालिकां अडियो नोटिस सेवा हचिकगुलिं नगरपालिकायागु सूचं व ज्या भवः क्वय च्वयतःगु नम्बरखय डायल यड न्यने फँगु खाँ फुककसिता ब्याक च्वडा ।

Audio Notice Number:

१६१८०१६६१००९६

छ्याला (मिला) पुन्ही

आशाकुमार चिकंबजार

संसारया तः हांगु उपलब्धी आखः, ल्याया विकास खः धाय् मः । मनूतय्सं थमनं याडागु ज्याया रेकर्ड चवयो तय्गु यासेलिं थुकिया महत्व भन भन थिड वल । पुन्हीया मिला थें । अलय् मनूतय्सं सर्गतय्या नगु (नौ), तिमिला स्वस्व तिथि, मिति नं दय्कल । गनां सुजद्यो स्वयो न्हिं, वा, दा दय्कल । संसारय् छगू तहांगु उपलब्धी जूगु ताय्कल । गुकिं मनूया उमेर जक मखु थी थी तिथि मिति नपां ऋतु व पुन्ही नं प्याहाँ वल । अलय् मौसमया हिलाबुला नपां पुन्हीया महत्व नं काड हल । गुगु पुन्ही छगू हुयां हुय मफूगु धव थें, त्वः तां त्वःतय् मज्यगु संस्कारं चिड यंकल । वहे संस्कारया लासाय् ग्वारातुतं व छगू संस्कृतिया तिसा जुयो छाय्प्यवल । वहे संस्कृतिया पलं दुनय् अनेक लोकवाखं, लोकम्ये, लोक संस्कृति, किम्बदन्ती दय्कः थः छय्छुई पिन्ता काँ कां समाजय् लिडां लिय मफःगु बलागु सिमाथें हाँ कायो चवन ।

स्वीन्हूया लच्छी, हिंन्यलाया दाच्छी, दाच्छीया दुनय् हिंन्यगु महिनाय् हिंन्यगुतुं पुन्ही वई । गथेकि चास पुन्ही, पलाँती पुन्ही, दिला पुन्ही, गुन्हीपुन्ही, ज्ञन्यापुन्ही, पाँचा वाय्गु कतिं पुन्ही, सकिमा पुन्ही, योमारी पुन्ही, छ्याला (मिला) पुन्ही, सिपुन्ही, होलिं पुन्ही, साँक्व पुन्ही (मलमास पुषोत्तम महिनाय् अनला पुन्ही) वै । गुगु बैशाख महिना निसेंया छसिकाथं पुन्हीया नां तयागु जुल ।

पुन्हीया महिमा (चन्द्रमा) तिमिला नपां स्वापु तयो, धायो वयो च्वंगु दः । चन्द्रमा छम्हा तस्कं बांलाम्हा, जिउदाल थिक्कम्हा जूगुलिं दक्ष प्रजापतिं नी न्ह्यम्हा म्हयाय् (सत्ताइस नक्षत्र) चन्द्रमाता ब्यगु स्वस्थानी बाखंनय् न्हिथाड तःगु जुल । अथेनं दकलय् अप्वः रोहिणीता माया यागु धायो चन्द्रमाया क्वय्सं छगःजक तारा दै । उकि याता हे रोहिणी नां छगू जुल । अथेहे वनं क्वय् नेगः (नगू) तारा अश्विणी, भरुनी धायो चन्द्रमां भाति भाति जक माया याइपुं काथं धायो तःगु जुल । बाकी मेपिन्ता माया मयासेलिं थः ब्वायाता उजुरी यागु गुकिं क्रोधित जुयो वयागु रुप हाकुक्क ब्यगु खाँ नं न्हिथाड तःगु दः ।

मेगु खाँ काथं गणेशया तस्कं बांलापुं नेम्हा मिसा रिद्धी व सिद्धी चन्द्रमां खाँ बलय् अजम्हा किसीया कपः दःम्हा,

भुँडीतग्वम्हा छपु जक दन्त (वाँ) दःम्हा गणेशयोया उलि बांलापुं मिसा दःगु खाड हिस्यागु सहयाय् मफयो गणेशो वं छंगु बांलागु रुप कुरुप जुयो कुष्ठ थिय्म जक श्राप बिला । लिपा चन्द्रमाया मिसातय्सं अनेक पुजा भक्तियाडः, गणेशयोया भक्तियाडालिं चन्द्रमां नं पुजा भक्तियाड माफी फवसेलिं गणेशो लय्तायो श्रापंया पूर्ण मुक्त मजुइगु कृष्ण पक्षनिसें ल्वय बल्भेजुयो औसी खय् रोगं ग्रस्त जुयो खानय् हे मदैगु अलय् शुक्ल पक्ष निसें ल्वय लाँ लां पुन्ही बलय् स्वस्थ जुइगु बरदान ब्यगु खाँ धायो तःगु दः ।

नक्षत्र विज्ञानं पृथ्वी किडः तिमिला हाकुइगु खाँ याता संस्कृतिया छाप तयो थी थी धार्मिक पात्रत हछ्याड समाजता छगू नैतिक शिक्षा बियगु माथंया लोक बाखं, धार्मिक बाखं, न्यकं बाखं, पौराणिक बाखं त दय्क समाजय् चेतना ब्वलांक वयो च्वंगु थुकिया विशेषता जुल । चन्द्रमा सितलता नपां पुन्ही या व्रत चवनकिं निरोगी जुइगु, थमनं मनय् तयाम्हा 'वर' लाइगु खाँ नं पुन्ही नपां व चन्द्रमा नपां स्वापु तयो कः घाड वयो च्वंगु दः ।

छ्याला पुन्ही, थुकिता मिला पुन्ही नं धाई । अर्थात चन्द्रमाया खाँ दुतिड तःगु स्वस्थानीया व्रत व बाखं कानिगु सुरु याइगु दिन नं थुखुनुं निसें हे याइ । छ्याला पुन्हीया सुरुवात थी थी थासय् फरक काथं न्हयाकी । ख्वपय् दोकाय् वा छ्वासय् चाया भाला तछ्याड थुगु पुन्ही न्हयाकी । दाच्छी तक पातुमतु पांकः काथं मछिंक तयो तःगु चाया भाला तेप, पोक भ्यो, , भ्यो, कला, धःप, गःप न्हयागुहे थजुयो ब्य छ्वासय् यंकः तछ्याय् यकिगु चलन दः ।

बुहापाकाया धापु काथं न्हयाब्लें दोकाय् च्वड मचातय्ता ज्वड अमिगु क्वेँ नैम्हा छम्हा राक्षसयाता बाचां बुकः व स्वयो कुरुकुरु सः वइगु बस्तु नकय् धःगु लिं ज्यु धायो दोकाय् च्वड च्वम्हा राक्षसता भ्यो, तेपः आदि चाभाला तछ्याड नकगु दक नं धाइपुं दः । अलय् अः मदय् धुंकगु देगः इना गणेशयोया ल्यूनय् वाक्वतिलाय् ख्वपया कुम्ह दाजुपिसं भाला छिइबलय् तज्यागु भाला आना वाय् यकिगु । वहे भाला आना छम्हा (भूत प्रेत) राक्षसं नयो च्वनिगु किम्बदन्ती नं



डय्प्यंगूगु खप पौ. बःछि पौ(पाक्षिक)

बाक्वतिला नपां ल्हाड वान ।

चाया भालाता लिथु वसेलिं गाथामगः या भाजंकपः, गुथि गुथिया द्योया आकृति दःगु स्वः मा, भैल तेप नं बुलुहूँ ताड हे वान । प्लाष्टिकया गिलासं सली ताड वां थें । अथेहे अः छ्यालापुन्ही बलय नं चाया भाला मदयो धौकला छगः तछ्याय हैपुं अपलं दय् धुंकल । वनं अः न्हूंगु पुस्तां सायद त्वः फिडक छ्वैगु हे मखां ज्वि ।

पुन्हीया उपमा तयो अपलं साहित्यता पिथाड तःगु नं दः । गथेकिः शरदया मिला थें चक्रांगु मिला । थुगु इलय सर्गतय् सुपायँ मदैगुलिं मिला चक्रानिगु मौसमया आधारय् उपमा छ्यल तःगु खः ।

अथेहे थिला पुन्ही चिभःननि भ्रः भ्रः धःगु तिमिला जलय् योमारी इना नैगु लोमनला रतन ।

योमारी पुन्ही थिला महिनाय् लाइगुलिं भ्रः भ्रः धःगु तिमिला या बयान यागु खः । अथेहे 'तिमिलाया जः थें भ्रल मल छंगु ख्व' 'चन्द्रमाया ख्वालचा दक ख्वः नपां तुलना याड च्वंगु दः ।

थी थी यो त्यो या दसु व रति रागया उपमा काथं छ्यल तःगु पुन्ही छगू नेवः समाजय तस्कं हनाबना याड तःगु तजि लजि खः । थुगु इलय दाफा भजनया भी पुर्खापिसं भक्तिरस, वीर रसय मेमेगु रसया म्येँ हाल पुन्ही मानय याड सम्हयँ नैगु चलन दः । थुगु पुन्ही पः नं दाफा भजनया मनूतय्ता पालंपः पः लाइगु याड नं नियम दय्क तःगु दः ।

पुन्ही छगू आशाया मता नं खः । अपलं चां क्वत्यय्क ख्यंया साम्राज्य सहयायां वनपां ल्वाडः जीवनय् छन्हू छाय् पुन्ही मजुइ धाय्गु आशा क्यनिगु नं दिन खः । पुन्ही खुनुं समुद्र किनारया देशय् ज्वाराभाटा वयो नाः नगरय् थाहाँ वइगु इलय आनाया चिच्या-चिच्या हांगु नां चाय् च्वड हायँपुक चच्छी म्हितय्गु नं याई । उकिं पुन्ही पिड च्वनिपिसं धैर्य याय् सै धाय्गु खाँ नं क्यं ।

जापान व मेमेगु छगू नेगू देशय् नं थुखुनुं स्वर्गय् नं परी (कतामारी) वयो मनूयाता नपालःवइगु अलय् वहे परी नपालाय खांसा वं अनेक अर्ती, उपदेशनपां काथं मछिंगु खाँ ज्या या उपाय कानिगु विश्वास याड थःगु छँया क्यबय् च्वडः चन्द्रमा स्वस्वं नसा त्वसा त्वड हायँपुक च्वनिगु खाँ पत्र पत्रिकाय् ब्वडा । तःम्हा मिसा दयो कमाइ खं मगाड राहु केतु कय् धेबा त्याड कःगु पुलय मफयो चन्द्रमाता ग्रहण ज्वनिबलय् भीसं 'गंकी' बियो ऋण पुल बियमः धायो बहु विवाहया अवगुण नं चन्द्रमा

पाखं क्यड च्वंगु जुयमः ।

नेवः समाजय् माघमाहात्म्य अपलं च्वय्ला । स्वस्थानीया बाखं काडः बाखं कानिम्हासिनं व साफू पुजा याडः सुकुन्दा पुजा याडः सकसितां नमस्कार याडः थाकालिपिन्ता भाग्या याड बाखं सुरु याई । बाखं सुरु याइगु थुगु मिला पुन्ही निसें सुथाय पवित्र तिर्थस्थलय् वाड ख्वः सिल, गुम्हास्यां म्वँ ल्हूयो गनां गनां म्हा दु दाड सिलामं तुल धर्म याइपुं भक्तजन प्याहाँ वै । थव पुन्ही जीवन संघर्ष खः दक क्यंगु जुयमः । थुगुजन्मयां दुःख जुल मेगु जन्मया नितिं पूणय कमे याय्गु सन्देश पुर्खाया खाँ कुल स्वयगु खःसा थुगु जन्मय जनताया सेवा यासा अमर ज्वी धाय्गु सन्देश काथं थुइकय् मः । अमर जुयगु लाँपु गुलाफया स्वं लायो तःगु नाइगु लाँ पक्का हे मखु थव पू गाबलय् नांगापतिं सिलामं तुलय् गु थें थाक् जक क्यड तः गु नं जुय मः । थाना पूर्व जन्म, पुनर जन्मया खाँ अमरताया लाँपु ल्यः धःगु खाँ बैज्ञानिक ढंगं स्वयमः ।

अलय् 'सत्य क्वदलीमखु असत्य ल्यनिमखु' धाय्गु स्वस्थानी बाखंयाय् नं सार खः । उब्ले सामन्ति युगय् च्वइगु स्तुति गानं प्याहाँ वय मफैगु खाँ त फुक्क सलिंचा यो थें यलः भिंगु खाँ जक ध्वाथुइक काड यंकय् फःसा मिला पुन्ही बलय् धर्म याडागु सार जुई । अलय् ज्या लगेमजुलकिं चाया भाला थें दोकाय्-दोकाय् वाय् यंकी धाय्गु खाँ नं थुइके माली । अजगु जीवन चाभालां थें चुं चा मंचा दांक तज्याइ धाय्गु नं थुइकय् मः ।

न्हयाथय् थःजु संस्कार पुलांगु खय् फः । उगु पुलां दुनय्या भिंगु खाँ त मालः जनताता कानय् फःसा व नं छगू साहित्यं थें संस्कृतिं नं जनताया सेवा याय् फः धाय्गु सिद्ध जुई । जीवनय् कष्टकहर जक नयां धर्म जुइमखु, उकिं जनताता भिंगु लाँपुइ हय फःसा नं छगू भीसं याय्मःगु धर्म जुई । पुन्ही बलय् सम्हय् नै, माघ ज्वःछि बाखापः (लाजा, मुस्या, बरं) नै । बाखापः ईड बिई । नपां धात्थेंगु खाँ कानय् मफूसा हकनं महाद्योता अपमान याई । दक्षप्रजापतिता दुगुचाय्गु कपः छुकि । नवराज जुजु जुई गोमा कुष्ठ जुई, स्वस्थानीया बाखं क्वचाई । साँक्वय वानि । नाग तुगया यां ल्याहाँ वई । वहे क्रम, वहे लाँपु, वहे तरिका समाज गथे खः अथेहे भीगु इच्छा दोकाय-दोकाय् छ्यालापुन्हीया भाला थें तज्याइ । उकिं विचः याय्माली छ्याला पुन्ही निसें न्हूंगु बिचः या मिलापुन्ही निसें थीगु बिचः या । संस्कार स्यंकः मखु संस्कार जाहाँथिक यंकय्गु ज्या खय् हज्याय माली ।

हाकु (त्वरँ)

● आशा कुमार चिकंबञ्जार

हाकु खँगवया छ्यला अपलं थासय् याड च्वंगु दः । तुइया अखः हाकु, छ्यया पर्याय हाकु । अथे धाय् छुं नं बस्तुया थ्यं मथ्यं क्वः चःगु रुप हाकुइगु काथं नं तःगु दः । छो लुकुं बितकिं छ्युई । सर्ग हाकु इवलं तपुयो यंकी । चखुं बखुं ई हाकुयो वलकिं छ्युयो वलकिं थःथःगु स्वँ (छँ) ख्य ल्याहाँ वै । उकि बिड वांगुया अर्थ नं हाकु खःला धाय्थें च्वड वै ।

अथेयां ध्वगितकिं नं हाकुयो वै । उकिं जीवन हाकुयो वानि दक मनूत ग्याड जुई । जीवन ह्योग्वः जुइदक ग्याइ । अलय् ह्योगु जुय धुकल सा ग्याहे मग्यासिं धाई जीवन ह्योग्व हे जुय धुकसा नौ (खरानी) जुयता छाय् ग्याय्गु दक । थथे स्वयबल्य् ह्योग्वः या सन्तान खरानी (नौ) जक खःला दक मति तय्फः । जीवनया लुमधांगु ई धात्थें धाय्गु खःसा हाकुगु दिं हे खः ।

छुं नं इलय् जनताता क्वत्यलय्गु व तस्कं काथं मछिंक्यगु काथं छु नं निपं यागु दिनता नं हाकुगु दिं हे धाई । उगु हाकुगु दिंया विरोध्य हाकुगु काप चिडः, हाकुगु धवार्ये क्यड विरोध नं याई । उकिं हाकुगु विरोधया चिं खःला धाय् थें मति नं तय्फः । जीवनय् न्ह्याब्लें बांलागु लार्ये जक डाय् खानीमखु । गुब्लें काँ इवालं डायो वानय् माली । अलय् जीवन न्ह्याकय् थाकुयो मुलुपाँय् डाय्थें, च्वाकनय् पलातयो डाय् मः थें थाकुयो च्वनि । अजगु न्हाकं च्वाकंया दश्वी न्ह्याकगु जीवनय् काँथं कयो थागु पु थिकी थिकी पानिगु जक मखु पु ध्वगिड हाकुयो व लिसें दुनं दुनं बि बि नक कःरः याड बि । अलय् तस्कं थाकुक लुतुलुयो घेघे स्याडः, सिलामं तुलय्थें तुलः जीवन हानय्माली दक ग्याड फछिंफक्व काँ इवालं वानिमखु । अथेनं वं जीवनय् अनुभवयाय्गु मतिं गुब्लें थुइक नं व काँ इवालय् पला तयो स्वै, गुब्लें मथुयो नं काँ इवालय् पला तः वानि । वहे कहरं जिन्दगी थाबवा क्वबवा जुई । गुब्लें थुखय् गुब्लें उखय् मू पु पुं जीवनया आयु बिड वानि, छ्युयो वानि । लुकुं बिड वानि ।

मिखाया नानी नं हाकु, हाकु इवलय् खु वयो थी जक व ग्या । अथे स्वयबल्य् हाकुगु वस्तु मनूया दकलय् योगु बस्तु मध्ये नं खः खनि कं । व नां खँगवलं विशेषण खँगवल्य् हिलकिं नं योगु व बांलागु काथं नं काय्गु या । हाकुचा, हाकुमै खँगवः दुनय् मतिनाया बवः नं खानय् दः । मुस्या मध्ये हाकुमुस्या साः धाई । अथे जूगुलिं हाकुया महिमा थुलिखं क्वचाइ मखु । थुकिया

नेखय् सिथय्या खाँ थुइकःमस्व तलय् हाकु धालकिं धात्थें बांमलागु अर्थय् जक छ्यलिगु खः ला दक च्वनि । मखु, अथे मखु, धात्थें हे मखु । धात्थें मिखाया हाकुगु नानी मरुगु खःसा श्व संसार फुक्क हे हाकुक खानी । जीवन अन्धकारय् दुबिई । उकिं थःगु हाकु पहलं संसार रड्गी चड्गी खांक बिई । बांला बांमला क्वः छियता ग्वाहाली याड बिई । श्वथें तः हांगु हाकुया गुण छु दै ? थौं या विश्वया न्ह्यागु हे उपलब्धीखय् हाकुगुया ग्वाहाली दः जक मधःसिं हे मगा ।

हाकु धाय्वं पुलांगु ध्वगिगु जक मखु । वहे तुइगु वा याता वता तयो क्वं कयकः हाकुवा तै । वा हाकुगुया लसताय् बुहांज्या याड सम्हें नयो, वाखासे धाधां सम्मान याई । धापु काथं परापुर्वकालय् स्वनिगलय् (तिब्वतियन) सार्ये देया जु जुं खासाड खुसुं आक्रमण यात । उब्ले अथे आक्रमण याइगु इलय् बुई पाकय् जूगु अन्न वा फुक्क स्यंकः हाय्कः वा छोय्क विइगु जुल । गुकिं जनतात भोकमरीं हाहाकार जुइगुलि वाल यो, चापाय्ये चा त्ययकः वता तयो तकला व वता (पुथुचा) य् चापाय्येचां त्ययकः तःगु खाड वता वताजक दःगु थाय् जक अमिगु भासं ख्वब्राड धःगुलिं श्व थाय् ख्वप्रिड् जुयो ख्वप जूगु छगु किम्बन्दन्ती काथं हाकु वा खं देया नां हे तःगु काथं हाकुगु फुक्क बाँमलागु खः धाय् हे मछिन ।

अलय् स्वनिगः या नेवः मिसातय्सं वहे बिजयया प्रतिक काथं हाकु परासी व ह्योगु सिपु तःगु खः ला । अनुसन्धानया विषय खः । अथेयां न्हपाः नेवः व स्वनिगःया नेवः तः जक मखु तिस्तुड, पालुड नपां मेमेगु नेवः उपत्यकाय् नं हाकु परासी सिड नेवः तय्सं थःगु पहिचान काथं पिब्वयो च्वंगु दः ।

अथे हे नेवः तय्गु समाज्वलं खय् हाकुगु आजःया नं थःगु थाय् दः । मचा बुइबल्य् आज फय्गु मचाता आज उइकेगु जक मखु ल्यासे पहःया समा ज्वलं खय् आज उल मिखा बांलाकेगु चलनं हाकु गथें बाँमला जुई । उलि जक मखु गनां ह्यो मचात छें नं पिता ब्वड यंकय् मालकिं तुतितलय्या खितिया हाकुगु सिन्हं तिकः वालाइलि मपुंकः दकः सुरक्षित याई । श्व छगू अन्धविश्वास दुनय्या छगू विश्वास, हाकुयो नं हाकुयो मवांसे म्वाडः च्वंगु छगु संस्कार दुनय्या मातृस्नेह नं खः धाय्फः ।

नेवःजातिया ह्योगु सिन्हया च्वय् लाक तिइगु मोहनी छगू विजयया प्रतिक खः । मोहनी फयो हाकुकय्गु वहे मोहनी



डरप्यंगूगु खप पौ. बःधि पौ(पाक्षिक)

दुनयँ नेवः तय्गु इतिहास दुबिड चवंगु दः । थःगु दे मल्ल जुजु पुं नपां बुय् धुंसेलिं थगु भाय् थगु संस्कार थगु पहः लय् बुलुहुँ हाकुइवलं तपुयो ग्रहण ज्वंसेलिं हाकु परासी सिड चवंगु छगू विद्रोहयां मखुला ? अथेहे ह्योगु सिपुखं भी नीवः छपा जुयो हकनं बिद्रोह याय् मनि धःगु जुयमः । अः बुलुहुँ हाकु परासी सियगु त्वःत हसेलिं नेवः तय्के विद्रोहया पहः ताड वांगु खःला धायथें चवं । मखुसा बाज्या बराजुं दयक तकगु कला, संस्कृति थुडः, न्हांक छव्या नं थःगु संस्कार व संस्कृतिता कतया संस्कारं व संस्कृतिं क्वत्यला नं विकासया नामय कतता ज्या छिंकय्ता थःगु छँ थुडा नं, अमूल्य सम्पदात थुड छव्यानं छाय् तुलतुल स्वयो चवना ज्वी? थःगु पुखौं पुखाया बुई डोजर चलेयाडानं छाय् म्हुतु प्वः तिडः चवना ज्वी ? थव हाकुपरासी सियगु त्वः तः सां निसें जूगु धाय्गु खौं स्वयो चवंपुं मनु तय्सं बुढा बुढीया स्या नुगलं धायो चवंगु दः । हाकुपरासी मदय्वं छँ छँ या तां ताड वान । लाहातय्या सीप त्वः फिल । न्हँगु पुस्तां थःगु मौलिकता लुमांकल । भी भी खयानं भीमखुत । पापु छुड म्हेवँखा जूम्हा क्वःचा थें, छिपाया रड्ग टेपय् (वासिटेपय) कुताँ वाड प्याहाँ वम्हा रड्गीन धवँचा थें भी भीदुनय् तान । भीकतः जुयो तुइयो चवडा । वाँचुयो चवडा, अलय् पित्तल्वय् जूम्हा मनु थें म्हवसुया चवडा ।

चवप्व गँया क्वसं चवंगु हाकुगुँयां छगू छ्वातुगु गुँ जक मखु (जडिबुटी) बैद्यवासया भण्ड हे खः धाई । वहे हाकुगुँया महत्व थुइकय् मफयो भीसं दुःख सियो चवडा, देशं दुःख सियो चवना । वहे कोरोना भव्लवयया वास गुजः (गुजोँ) नयो मनः याउँक चवंपुं मनु तय्सं अजनं खौं मथुयो भीगु अमूल्य सम्पति लुँयाता चा भवं कतं यंकः चवडा नं भी लाहा प्वः चिड चवडा । भीगु देया सरकार तय्सं जाकी लिसिं छु चुं हिलः ला तुं ला छुँगचा फाँछी लाक कायो कतिलागु खौं काड चवन । वहे कालीया मुहान मथुयो दे कतया नक्सजक मखु अमिगु लाहातय् लाडा नं म्हुतिइ धौफिड चवना । थाय् थासय् नक्सया हाकु धवः जक मखु देया भीगु हाकुचाया भूमि त्यल कायो चवन । ग्याँस वयानिं भीकय् खुपो मदयो वान । भीगु सु, छवाली दुयो नौ दयक सः याय् मफूसेलिं कतया देशी सः खय् लाड जीवन यतय् प्यतय् गायो चवन । कतया स्वरा साभूँ जक मः जू जूँ भीगु खरानीं बुय्गु लुमांक छवय् धुनः । खँ यांकय्गु ज्या मसिय धुनः । छपला-छपला यायां त्वः त वाडागु हाकुगु वस्तुया छयला लुमाड वांसेलिं जीवन कात्तु काड वांगु खौं थू पिसं काड वगु दः । हाकुचाया भाला म्छयःसिं प्लाष्टिकया भाला छयलः ल्वय सःत चवडा । हाकुचा (काँचा) मतसिं बिषादी हवल नं

उखुम ल्वय मुड चवडा । हाकु जाकी, हाकुदुसी, फुक्क फुक् त्वः त हाकुगु साँ तुइयो व बलय् मसान सतिड व थें भीगु जीवन नं तुइकय्गु वा मथां हाकु इवलं त्वपुइकेगु ज्या चाय्क नं मचाय्कनं याड वयो चवडा । हाकु कय्गु वा हाकुमुस्या कः वाड हाकु सुपायँ चाय् वानेगु लाँपु ज्याड चवडा ।

मनु खः, दुःखया उपाय छाय् मदै । हाकुगु साँ तुइयवं चिन्तामकः थें गनां जीवनय् हाकु धवः दय्वं जिन्दगी हे फूतः जक खवयां जक समस्या ज्यनि मखु । हालां जक पंगः चिलि मखु । हाकु साफूचाय् चवइगु खौं पुलां जूसां हाकुगु मसीं चवइगु अदालतया फैसलाथें मनूया जीवनय् धिसिलागु निपं याय् फय् केमः । जब चेतनाया मि ग्वाकः क्रान्तिया मिबवाला काई उब्ले सामन्तया मनय् दाड तःगु अत्याचारया दरबार मिं न्वयकगु इतिहास यक्व हे दः । मिं छगुलि खं गुँ हे मिं न्वयके फः धायो तः थें गुलिं थासय् ग्वाड वगु किसान संघर्ष, मजदुर आन्दोलनता सामन्त तय्सं न्हतुन्हयो स्याय् तांसां व वहे हाकुगु नौ इँ खं बुलुमि जुयो ग्वाडः सामन्तया इतिहास हाकुक नौ याड ब्यूगु दः । जनताया शत्रु तय्ता हाकलं पाकः जनताया हःनयँ सजायँ यागु दः ।

उकिं वर्गीय समाजय् सुनं सुयाता हाकुगु नौ याय्गु उगु धिं धिं बल्लाय चेतनां ग्वाकः हज्याय् फःम्हा सें मेम्हासिता नौ याई, हयेंगवः याई । छगू इलय्या पुलां बाखनय् सिमित याई । हाकुगु खँगवः छ धन्य खः । हाकुयगुला ? हाकुक छोयगुला ? थौं या इलय् विचः याय् मः । अलय् जक हाकुम्हा सर्पया ह्योगु छुपें तयो साथुपाका चाथें न्याकुं चायो जुय दै ।

- थःगु छँ, त्वः न्हयाब्लें यचु-पिचुक : तय्तु
- अस्पतालं प्याहाँ वैगु फोहरं भीता अपलं नोक्सानी याइगु खौं थः थमं थुइक छँ नं प्याहाँ वइगु फोहर नपां ल्वाक मछयाय्,
- छँनं, पसलं प्याहाँ वइगु फोहरत लायँ, चुकय् ढलय् मवासीं नगरपालिकाया कर्मचारीं हइगु गाडा व मोटर य् जक तय्तु ।
- छँ व पसलं प्याहाँ वइगु फोहोर ध्वगिइगु व ध्वमगिइगु बिस्कं बिस्कं तयो जक वाय्तु ।
- पसलं प्याहाँ वइगु फोहर बन्धिथाय्, हनय्लाथाय् वातकी खिचां खिड तसिकं फोहर याइगुलिं बहनी मुडागु धू पिनय् तयो दियमते ।

स्वप नगरपालिकाया ज्या भवः त

स्वप नगरपालिकाया च्याकगू नगरसभा उलेज्या

पौष २९

नेपाल मजदुर किसान पार्टीया छ्याञ्जे प्रेम सुवाल जुं स्वप नगरता सांस्कृतिक नगर, दय्केगु इवल्य् जनताता सचेत यायां जनताया शैक्षिक व बौद्धिक स्तर थाकाय् मःगु खाँ बः बियो दिल ।

स्वप नगरपालिकाया च्याकगू नगरसभा उलेज्या यासे छ्याञ्जे सुवाल जुं जनताया सांस्कृतिक स्तर थाकाय्ता स्वपया ब्वनय् कुथि व स्वप नगरपालिका पाखं न्ह्याक च्वंगु कलेज त ब्यवस्थित काथं हछ्याड यंक्य् मः धायो दिल ।

वयकलं स्वप विश्व विद्यालय न्ह्याकय्ता स्वीकृत मब्युगुलि शासक दलत जिम्मेवार जूगु व शासक दलं गरिब जनताता दांक, भिंक गुणस्तरीय शिक्षा वियगु पक्षय् मरुगु खाँ ब्याकसे स्वप विश्व विद्यालयया सम्बन्धन बिल धःसा देशां देछिया ब्वनामिपिन्ता दांकः भिंकः गुणस्तरीय चिकित्सा शिक्षा बिय फैगु खाँ खय् आश्वस्त याड दिल ।

राष्ट्रिय राजनीतिया विषयलय् थःगु बिच प्वंकः दिसे

छ्याञ्जे सुवाल जुं प्रधानमन्त्री के पी ओलिं यागु संसद विघटनया पला औचित्यपूर्ण जू धायो दिसे निर्वाचनं जनताया चेतनास्तर नापय याइगुलिं राजनीतिक दलत निर्वाचनय् वानय्गु बांलाइ धायो दिल । नपां स्वनिगलय्या सम्पदात न्हाडः वानिगु खतरा अप्वयो वगुलिं सचेत जुयमः धायो दिसे स्वप दे या प्यब्यंतुं दिशाय् सहरीकरणया नामय् जथाभावी निजी प्लटिड्या कारणं अब्यवस्थित सहरत विकास जुयो च्वंगु नपां उत्पादन जुडुगु बुँ भन भन म्हवँ जुयो वाड च्वंगु खाँ काड दिल ।

स्वप नगरपालिकाया प्रमुख सुनिल प्रजापति जुं प्रतिनिधिसभा विघटनया इलय् स्थानीय तहखय् च्वड ज्या सानिपुं जनप्रतिनिधि पिनिगु भूमिका अझ अप्वयो वगु खाँ ब्याकसे अझ सचेत जुयो ज्या सानय् मःगु खाँ ब्याक दिल ।

वयकलं स्थानीय तह योजना कार्यान्वयन याइगु महत्वपूर्ण निकाय जूगुलिं देया विकासया अपलं बजेट स्थानीय तहलय् छ्वयो ह्यमःगु व स्थानीय तहलय् अपलं बजेट छ्वयो हःसा विकास निर्माणया ज्या अझबांलाक हज्याइगु खाँ प्वंकः दिल ।





समपूरक व विशेष अनुदानया लागि योजनाया सिफारिस स्थानीय तहलं याय्गु अथेनं संघ व प्रदेशं योजना ल्ययो हेगु नीति सरासर मिलय् मजुगु खाँ काडदिसे वयकलं 'श्व तप्यंक स्थानीय तहता केन्द्रं क्वत्यलय्गु नीति खः धायोदिल ।

प्रमुख प्रजापतिजुं प्रधानमन्त्री केपी ओलीं प्रतिनिधिसभा विघटन यागु स्वाभाविक राजनैतिक घटनाक्रम खः धायो दिसे प्रतिनिधिसभा विघटन जूगु इलय् स्थानीय तहया जनप्रतिनिधिपिसं अभ् सचेत जुयो ज्या सानय् मः धायोदिल ।

ज्या इवःसं वागमती प्रदेशया माननीय सांसद सुरेन्द्र राज गोसाइँ जुं ख्वप नगरपालिका देशां देछिया ब्वसेलागु नगरपालिका नपां स्वसेलागु नगर व जनप्रतिनिधि जुयता सफल जूगु खाँ काडदिल ।

ख्वप नगरपालिकाया न्हा याय्गु नगरसभां यागु निर्णय काथं छति हे भः भः मन्हूसें जनताया सेवा खय् मदिकक न्ह्याड च्वंगु खाँ सांसद गोसाइँ जुं ब्याकसे समाजवादी ब्यवस्थाजक ज्या साड नैपुं ज्यापु-ज्यामि वर्गया भिं याइगु धायोदिसे नेपःमि तय्सं अःपुँजीवादी ब्यवस्थाया विरुद्धय संघर्ष न्ह्याक यंकय् मःगु, क्वयया वर्गया शासन ब्यवस्था मवतलय् देशय् राजनीतिक स्थिरता वड्मखु धायोदिल ।

ख्वप नगरपालिकाया उपप्रमुख रजनी जोशीजुं ख्वपया कला व संस्कृतिता अध्यावधिक व पुस्तान्तरण यायां जीविकोपार्जनया माध्यम द्यकः यंकय्गु मतिं नगरपालिका हज्याड

च्वंगु खाँ ब्याक दिल । वयकलं कोभिड १९ सं मानव विकासया फुक्क पक्ष सं नकारात्मक असर लाड च्वंगु व मानव जातिता तहांगु पाठ स्यंगु खाँ काड दिसे ख्वपता पूर्णरूपं संरक्षित नगर, ज्ञानविज्ञान व प्रविधिया केन्द्र काथं म्हासिइका पिब्वय फैगु काथं द्यकेगु विश्वास प्वंक दिल ।

ख्वप जिल्लाया प्रमुख जिल्ला अधिकारी प्रेम प्रसाद भट्टराईजुं छगू छगू नगरसभाया थःगु हे विशेषता दैगु खाँ काड दिसे फुक्कस्थानीय तहतय्सं नगर सभाता अभ्यस्त ढङ्गं हछ्याय् मःगु लि बः बियो दिल ।

ख्वप नगरपालिकां देया बहुआयामिक विकासया लागिं मेपिसं नं सय्केगु अवसर बियो च्वंगु खाँ ब्याकसे प्र.जि.अ. भट्टराई जुं सांस्कृतिक नगर ख्वपया गरिमा म्वाकः तय्ता व जनताया स्वास्थ्यता बिचः याड भक्तपुर औद्योगिक क्षेत्र दुनय् न्ह्याक च्वंगु कुँ, धू पिकायो प्रदुषण याइगु उद्योगत चिइकय् वियता मःगु पला छियगु खाँ प्रस्ट याड दिल ।

उलेज्यासं ख्वप नगरपालिकाया प्रमुख प्रशासकीय अधिकृत रामलाल श्रेष्ठ जुं ख्वप नगरपालिकां थःगु बिस्कं म्हासिइका ल्यंकः तय्गु ज्या याडः च्वंगु खाँ ब्याकसे ख्वप नगरया चाकलिं विकासया नितिं मदिकक हज्याड वानय्गु विश्वास प्वंक दिल । ज्या इवः सं ख्वप नगरपालिका वडा नं ९ या वडाध्यक्ष रविन्द्र ज्याख्व जुं नं न्वचु तयो द्यगु खः ।

च्याकगू नगर परिषद थौं निसें

ख्वप नगरपालिका च्याकगू नगरपरिषद २ गते निसें न्ह्यात । ख्वप नगरपालिकाया प्रमुख नपां च्याकगू नगर सभाया नायो सुनिल प्रजापतिया नायोसुइ उगु सभा न्ह्याकसें सभाया नायो प्रजापति जुं सकल सभासदपिन्ता थःगु बिचः व सिद्धान्तता कायम याड नगर व नगरबासीपिनिगु सेवाख्य लग्य जुयमः धायोदिल । वयकलं बिचः व सिद्धान्त त्वः त जुयगु च्वाप्वगुइ सुल्ल त्याई त्याईं म्हितयगु थें जुइगु खाँ नेपाल मजदुर किसान पार्टीया नायो नारायणमान बिजुक्छें जुं धायो द्यगु खाँ याता नुगलय तयो, बिचः त्वः मतसिं इमान्दार जुयो जनप्रतिनिधिपिसं थःगु कर्तव्य पूर्वाक्यमः धायोदिल ।

थुगु हिउँदे नगरसभां मुख्य याड ऐन, नियम, कानुन व निर्देशिका दयकेगुलि विशेष अध्ययन व सरसल्लाह याड जक नियम कानुन दयकेता बः बियो दिसे सभा सं सकल दुजः पुं



सक्रिय सहभागिताया लागि इनाप याड दिल । वयकलं नगरसभाया मेगु बैठकं माघ ४ गते आइतबार न्हिनयसिया १:०० ताइलय च्वनयगु याड बैठक क्वचगु जानकारी बियो दिल ।

जनतानपां ज्या सानय्ता कोभिड पंगः



देश्य प्रजातन्त्र ह्यता थःगु जीवन उत्सर्ग याड द्यपुं सकल सहिदपिन्ता दुनुगलं निसें श्रद्धासुमन देछासे समाजय ह्यपा ह्यता अपलं ग्वाहाली याड द्यपुं सकल हानय वहपुं ब्यक्तित्व पिन्ता दुनुगलं निसें सम्मान याय् ।

भी थौं च्याकगू नगर सभाय् मुड च्वडा । थ्यं मथ्यं दाच्छी तक कोरोना भ्वल्वय (कोभिड १९) या तस्कं ग्यापुगु इलय नं भी सचेत जुयो हज्याड च्वडा । अः युरोपेली देशत तस्कं ग्यापुगु ई ज्वड आक्रान्त जुयो म्वाड च्वंगु दः । जलाखाला देश्य संक्रमित जुयो च्वंगु बुखाँत न्यनय् दयो च्वंगु दः । थुकिं मानव विकासया छगू छगू पक्षख्य बांमलागु लिचव लाड च्वंगु दः ।

गुकिं मनुतय्ता तहांगु हे ज्ञान बियो च्वंगु दः । थुगु कोभिड १९ सं ख्वप नगरपालिकाया तथ्यांक काथं वांगु वालय तक ख्य १८०० म्हा नागरिकपुं संक्रमितपुं खानय दःगुलि ४६ म्हा सिया ज्यान वानय धुकल । थुगु संक्रमणं मथिइक च्वनय्ता स्वास्थ्य मापदण्ड डालः थहे सचेत जुयो जुयगु हे बुद्धिमानी जुई । थथे याय फःसा जक समाजता स्वास्थ्य सुरक्षित याड हज्यायगु लक्ष्य ज्वड ज्या साड च्वंगु नगरपालिकाया 'स्वास्थ्य नगर, सुरक्षित नगर' या आजू पू वानि । थजगु चुनौतिया इलय नगरया थी थी संघ संस्था नपां नगरबासीपिनिगु साथ व ग्वाहालीया लागिं दुनुगलंनिसें सुभाय देछायो च्वडा । वैगु दिनय नं न्ह्याथिन्योगु मछिंगु ई वः सां नपांवानय नपां ज्यासानय्ता साथ विइगु नं नगरपालिकां आशा याड च्वंगु दः ।

थ्वहे कोभिडयाड च्याम्हा जनप्रतिनिधि व गुम्हा कर्मचारीत संक्रमित जुय धुकल । उकि मध्ये वडाध्यक्ष छम्हासिता नेकः संक्रमित जुलसा छम्हा कर्मचारी अः तक पूर्ण स्वास्थ्य लाभ मज्जनि । थुगु कोरोना ल्वचं मरुपुं सकल सिता ख्वप नगरपालिका पाखं विचः हायक च्वडा । नपां ल्वय जुयो च्वपिन्ता मथां भिं उसायँथा कामना नं याय । जिमिता नेपाल मजदुर किसान पार्टी ब्यगु मार्ग निर्देशन व घोषणा पत्रता आत्मसात याड ज्या हज्याक च्वंगु खाँ सकसिनं स्युगु हे खाँ खः । वहे काथं अपलं ज्या सिघय धुंगु व प्रगति हज्याड च्वंगु नं छिकपिसं स्वयो च्वंगु दः । जिमिसं



डरप्यंगु खप पौ. बःधि पौ(पाक्षिक)

शिक्षा/स्वास्थ्यता हःनय तयो ज्या साड चवडागु दः । पुर्खा दयकगु सम्पति भ्नीगु कला व संस्कृति' या नारा पूर्वांकयुगु काथं हे न्हंगु पुस्ताता लः ल्हा ल्हां वहे ज्याखं जीविकोपार्जन यायगु लॉ दयकं दयकं हछ्याड यंक चवडागु दः । कोभिड १९ या हुनि विकास निर्माण/सम्पदा ल्हवनय कानय व समाज निर्माणय पंगः दौ वगु दः । अथेनं अः या ई नगरपालिकाया क्षमतां फःथें हछ्याड यंकयगु छिकपिन्ता विश्वास प्वंकः चवडा । हक नं छक अवस्था सामान्य जुयो वानेवं मेयर ज्यू च्नुनाबया इलय धायो द्युथें जिमिसं ल्यं दःगु ईलय प्यदुगं ज्या साड जूसां लक्ष्य काथंया ज्या क्वचायकः लिपा वैगु पुचः ता छगु आधारपत्र दयक तकेगु विश्वास

बियो चवडा । वैगु पुस्तां वहे आधार पत्रया लिधांससाय् सांस्कृतिक नगर खपता चाकभनं संरक्षित नगर काथं/ज्ञान विज्ञान व प्रविधिया 'आत्मनिर्भर' काथं म्हासिडका पिठवयो हज्याड च्वंगु खप दे काथं हलिमय नां जाईगुलि जिपुं जनप्रतिनिधि पिसं विश्वास याड चवडा । थुगु गौरवशाली लक्ष्य खय् थयंकयता खप देया सकल बुद्धिजीवी/संघ/संस्था नगरबासी पिनिगु साथ मदयकं मगा । खप नगरपालिका छिकपिनिगु क्वातुगु साथ दैगुलि विश्वस्त जुयो चवडा । अः भ्नीकय् दाच्छी दक ई ल्यं दतानि । उकिं सकल छप्पा छधि जुयो हज्याय्मः । च्याकगु नगरसभाखय् उपस्थित जुयो सकल सिता लसकुस याड विदा जुय ।

खप नगरपालिकाया च्याकगु नगरसभा चालु

माघ ४

खप नगरपालिकाया प्रमुख नपां च्याकगु नगरसभाया नायो सुनिल प्रजापतिया नायोसुई आइतबार च्वंगु खप नगरपालिकाया नगर सभासं न्वचु तयो दिसे प्रमुख प्रजापति जुं स्मार्ट सिटीया नामय स्वनिगलय तः तः हांगु न्हंगु सहरया विकासं त्वनयगु नाःया अभाव, अपराधीत अप्वइगु, प्रदुषण, ट्राफिक जाम थजगु अपलं समस्यात वैगु नपां स्मार्ट सिटीया नामय गरिब जनतात थाय् त्वः तः विस्थापित जुयो वानय मालिगु खतरा दैगु खाँ काड दिल ।

खप नगरपालिका खपया सार्वजनिक सम्पति व पर्ती जग्गा संरक्षण खय् मदिकक न्ह्याड च्वंगु खाँ ब्याकसे प्रमुख प्रजापति जुं खपया लायकुली लिक्क या ९९ चोक संरक्षण यायगु नीतिकाथं नगरपालिका हज्याड च्वंगु दः धायोदिल ।

कृषि क्षेत्रय् वैदेशिक लगानी दुकायगु सरकारया निर्णय किसान विरोधी जगु खाँ ब्याकसे वयकलं कृषिखय् विदेशी लगानी दुकायवं अनेक खालया विकृति नपां बेरोजगारया समस्या वय फःगु पाखय सचेत जुयमःगु व साम्राज्यवादी देशत समाजवादी राज्य ब्यवस्था चूं थानयता सक्रिय जुयो ज्या साड च्वंगु दः धायोदिल ।

वयकलं भक्तपुर औद्योगिक क्षेत्र दुनय न्ह्याक च्वंगु कुं, धु व रसायन (तेजाब) पिकायो प्रदुषण याइगु उद्योगत सरकारी नीतिकाथं



तुरन्त चिडकय् बियता खप नगरपालिकां ज्या याड च्वंगु खाँ ब्याकसे भक्तपुर क्यान्सर अस्पताल नेपाल सरकारया स्वामित्वखय् वाडानिं जनतां दांकः सेवा सुविधा काय् फैगु जुल धायोदिल ।

सभाया विशेष समयखय् सभासदपुं श्याम सुन्दर मातां, हरिरत्न गोर्खाली, जितेन्द्र मुनकमी, राजेन्द्र माक, इन्द्र बहादुर प्याठ, शिवप्रसाद श्रेष्ठ, रत्नकाजी नायभारी, कृष्ण गोपाल चौगुठी, बलराम न्हिसुतु व गोविन्द्र दुवाल जुपिसं समसामयिक राजनीति नगरबासीपिनिगु समस्या व नगरपालिकां जनताया पक्षखय् यायमःगु ज्यात नपांया विषयलय थः थः गु बिचः प्वंक द्युगु खः ।

वयकपिसं सरकारं कृषि क्षेत्रखय् नव उदारवादी नीति लागु यायगु स्वत धःसा आपत्ति जुइगु व कोभिड नियन्त्रण व मपुंक तयता सरकारया भूमिका च्वछाय् लायक मजुगु खाँ प्वंक दिल । सभासदजुपिसं नगरपालिकापाखं न्ह्याक च्वंगु जनज्योति साफु कुथिता दक्ष जनशक्तिनपां ई-लाइब्रेरी दयकेमःगु, आधुनिक बीउ विजन (पुसा) उत्पादनय् बः बियमःगु नक्सा पास यायगु ज्याखय् अपलं नगरबासीपिनिगु गुनासो सम्बोधन यायमःगु, सम्भावित दुर्घटना न्यूनीकरणया लागिं पार्किङ ब्यवस्थाखय् ध्यान बियमःगु, देशय् हे सः कारखाना चायके मःगु खाँत प्वंक दिल ।

बैठकय् न्यंगु जिज्ञासासा शिक्षा, संस्कृति व स्वास्थ्य समितिया दुजः रविन्द्र ज्याख्व, निर्माण समितिया कजि उकेश कवां, कृषि समितिया कजि राजकृष्ण गोरा व देको मिवा इतापाके आवास योजना उपभोक्ता समितिया दुजः हरि प्रसाद बासुकला जुं स्पष्ट याड दिल ।

सभाखय् न्यायिक समितिया दुजः हरिराम सुवाल जुं श्वासप्रश्वास पुनः स्थापना केन्द्र सञ्चालन नियमावली -२०७७ छलफलया लागिं प्रस्तुत याड दिल ।

नगरसभाया मेगु बैठक माघ ६ गते न्हिनयसिया १:०० ताइलय च्वनयगु याड दिक् यात ।

च्याकगु नगरसभां थी थी विधेयक व कार्यविधि पारित

खवप नगरपालिकाया प्रमुख सुनिल प्रजापतिया नायो सुई च्वंगु खवप नगरपालिकाया च्याकगु नगरसभा 'शवास-प्रशवास पुनः स्थापना केन्द्र सञ्चालन २०७७ सर्वसम्मति पारित यात ।

शवास प्रशवास पुनः स्थापना केन्द्र दीर्घदम वपुं व म्वसः वपुं मनु तयगु ल्वय लांकयता व शवास-प्रशवास पुनःस्थापना सेवा विडगु, दीर्घ-दम व म्वसया लवय दःपुं मनु तयगु प्रारम्भिक निदान, उपचार व पुनः स्थापनाया लागिं सेवा प्रदायक पिनिगु क्षमता अप्वयकेगु व राष्ट्रिय प्रादेशिक व स्थानीय स्तरे उत्कृष्ट केन्द्रया काथं शवास -प्रशवास पुनः स्थापना सम्बन्धी विशेषज्ञता व संसाधनत प्रदान यायगु नपांया उद्देश्य दःगु नियमावली खय च्वयो तःगु दः ।

थुगु नियमावली बारे छलफलखय सभासदपुं जितेन्द्र मुनंकर्मी, श्याम सुन्दर मातां, शिव प्रसाद बाला, गोविन्द्र दुवाल पिसं थः थः गु बिचः प्वंक दिल ।

छलफलय न्यंगु न्हयसया लिसः विधायन समितिया कजि हरिराम सुवाल जुं प्रष्ट याड दिसे विधेयकय खानय दःगु हिज्जे त्रुतिता संशोधन यासे विधेयकता सफल कार्यान्वयन याय धायोदिल ।

सभाया विशेष समयसं नगरबासी पिनिगु समस्या व नगरपालिकां जनताया पक्षे यायमःगु ज्याया विषय सं थः थः गु बिचः प्वंकसे सभासदपुं ज्ञानकुमार मगजु, सम्भना खाइजु, शिवप्रसाद बाला, राजेन्द्र माक, इन्द्रबहादुर प्याथ, तुल्सी लक्ष्मी

दुमरु, हेरा ख्याजु, सुर्य प्रसाद श्रेष्ठ जु पिसं वडाय सुचुकुचु याइपुं मजदुरत मगागु, तरकारी बजार व्यवस्थापनया कुतः याय मःगु, व्यवस्थित पशु बधशाला दयके मःगु महेश्वरी, कासा ख्यःता राष्ट्रिय स्तरया कासा ख्यः काथं विकास यायमःगु, इन्द्रायणीया ल्वहँहिहि व हाकुफो हितिया विकासया व्यवस्था यायमःगु, करया घेरा तः घेरा याय मःगु, कृषि विशेषज्ञ व्यवस्था याय मःगु, चिस्यान केन्द्र दयके मःगु, नगरदुनयँ (फुटपाथ) फः पस याता बांलाक व्यवस्था याय मःगु सुभावात वःगु खः । विशेष समयसं सभासद सिद्धिराम अवाल जुं थः ता कोरोना ल्वचं कः बलयया अनुभव काड दिल ।

सभासं कृषि समितिया कजि राज कृष्ण गोरा, त्वनयगु नाः या कजि महेन्द्र खायमली, आर्थिक समितिया कजि हरिप्रसाद बासुकला व शिक्षा, संस्कृति नपां स्वास्थ्य समितिया दुजः रविन्द्र ज्याखव जु पिसं सभासद पिसं प्वंकगु विचयाता प्रष्ट याड दिल ।

बैठकसं विधायन समितिया कजि हरिराम सुवाल खवप नगरपालिका आदर निकेतन सेवा सम्बन्धी विधेयक २०७७ व शिशु स्याहार वा बालबालिका केन्द्र सञ्चालन कार्यविधि -२०७७ छलफलया निंति प्रस्तुत याड दिल ।

नगरसभाया मेगु बैठक माघ ८ गते बिहिवार न्हिनय सिया १:०० ताइलय च्वनयगु याड दिकु यात ।





डरपुंगु खप ढु. डःधु ढु(ढरकुषुक)

अथेहे

खप नररडरलकररर डुकरगू नररसडरं वरहवरर डुंगु डैठकं 'डुकुतडुर नररडरलकरर अरदर नरकैतन सेवर सडुडनुधु वरधेडुक २०७७' व डुकुतडुर नररडरलकरर शरशु सररहर व डरल वरकरस केनुदुर सनुडरलन कररुवरधु डरररत डरत ।

डैठकसं खप नररडरलकररर डुरडुख सुनरल डुरररडरत कुं खप नररडरलकररर वडर डरतकं शरशु सररहर केनुदुर डररुकेगु नुतर दःगु खरु डुडरकसें नररडरलकररं डरररत डरगु कररुवरधु शरशु सररहर केनुदुर डुडररसुथरत डरडः नुधरकरडुतर गवरहरलु कुडुगु धरडु डरसे खप नररडरलकररं अरदर नरकैतन डररुकेगु नुधरकरः नररडरसु थरकरलरडुं कुषुठ नररररकडरनरगु सेवर डररुगु उदुशुडु दःगु खरु करडु डरल । वडकलं नरकु सनुडर तडुसं अडलं अडः धेडर कररु तसुकं थरकरडु डरडु डुदुडरशुरडु डररुकेगु डुंगुलर खप नररडरलकररं गररडु कुनतरं नं डुलडु डैगु करथुडर अरदर नरकैतन डररुकेगु उदुशुडु दःगु खरु करडु डरल ।

सडरखं डरररत डरगु 'डुकुतडुर नररडरलकरर अरदर नरकैतन सेवर सडुडनुधु वरधेडुक २०७७ डु नररडरलकररं नरर डुनरुं डुं डुं थरसडु अरदर नरकैतन वर 'नरनडु कुकरर अरदर नरकैतन डरवर सेवर' केनुदुर डररुकेगु डैगु अरदर नरकैतन वर डुडररसुथरन कुषु, शरखर डुरडुखडर करडु, करुतुवुडु व अधरकर, अरदर नरकैतनडर लेखर

व लेखर डुररकुषुण, अनुडुषुठु, सडुडरत सडुडनुधु डुडररसुथरन नडररुडर वरषडु डुवुडु तःगु दः ।

डुकुतडुर नररडरलकरर अरदर नरकैतन सेवर सडुडनुधु वरधेडुक २०७७ डररे डुलडुलसं सडरसदडुं गुरुवरनुदु डुवरल, डल ररडु नरहसुतु, सुरुडु डुरसरद शुरेषुठ, कुनरकुडरर डुगकु व ररकुनुदुर डरक कु डरसं थः थः गुरु वरडुः डुवुकः दुडुगु खः ।

खप नररडरलकररर डुकरगू नररसडर डरखं डरररत 'शरशु सररहर व डरल वरकरस केनुदुर सनुडरलन कररुवरधु-२०७७ डु खप नररडरलकरर डुनरुं सरथरु व असुथरु डुसुडरस डरडु डुवुं नररडरसु डरनरडुं डुडरतडुतर डुडुवुडु धेडर खं डरंलरक गुरुसुतरुडु सररहर सुसर सेवर व शरकुषु डुररगु उदुशुडु दःगु व नररडरलकरर डरखं डररुकेगु तःगु शरशु सररहरडर डुडररसुथरन खप नररडरलकररर शरशु, सुवरसुथु व सनुकुतर सुवरुगु डुडररसुथर दःगु खरु उगु कररुवरधुखडु डुवुडु तःगु दः ।

शरशु सररहर व डरल वरकरस केनुदुर सनुडरलन कररुवरधु -२०७७ डर वरषडु कुगु डुलडुलडु सडरसदडुं सरदुडुररडु अवरल, शुडरडु सुनुदुर डरतरं, कुनरकुडरर डुगकु व ररकुनुदुर डरक कु डरसं थः थः गुरु वरडुः डुवुक दुडुगु खः ।

डुलडुलडु सडरसदडुसं नुडुगु नुधुसडर लरसः वरधरडुन सडरतररर ककु हररररडु सुवरल कु. सुषुठु डरडु डरल ।





डयप्यांगुगु खप पौ, बःखि पौ(पाक्षिक)

सार्वभौम व स्वतन्त्र राष्ट्रता मेगु शक्तिं क्वत्यलय् मज्यु

माघ २

खप मा.वि. खप कलेज व शारदा क्याम्पसया मंकः गवसालय् 'नेपःया राजनीतिक आन्दोलन व नेमकिपा' विषय छगू प्रवचन ज्या इवः जुल ।

ज्या इवःसं नेपाल मजदुर किसान पार्टीया हानय् बहम्हा नायो नारायणमान बिजुक्छेँ (रोहित) जुं सार्वभौम व स्वतन्त्र राष्ट्रता पिनय्या छुं नं शक्तिं क्वत्यलय् दैमखु धायोदिसे नेपःया प्रधानमन्त्री निसें विश्वविद्यालयया उपकुलपति, रजिष्टार नियुक्ति खय् नपां भारतया हस्तक्षेप जुयो च्वंगु खतराया चिं खः धायोदिल ।

वयकलं सचेत जनता व बुद्धिजीवीपिनिगु संघर्षजक अपलं अपः जनतायापक्ष कानुन दय्किगु खाँ ब्याकसें नेमकिपाया अग्रजपिनिगु मोहियानी हकया नितिं यागु आन्दोलनं खपया किसान तयगु जीवनस्तर थाहाँ वगु खाँ ब्याकसें कमैया मुक्तिया नामय् कमैयापिन्ता मोहियानी हक हे मब्यूसें तहांगु जः गवयो पितिगु खाँ ब्याक दिल ।

नायो बिजुक्छेँ जुं ज्या मदय्क च्वंपुं बेरोजगार ल्यासे ल्याम्हो पिसं क्रान्ति याइ दक ग्याड हे राणा तयगु पालय् गोर्खा भर्ती केन्द्र चाय्कगु गुगु अः तक ल्यंदः नि धायोदिसे गोर्खा भर्ती केन्द्रया सिपाहीतयसं देशया नितिं मखुसें धेबाया नितिं विदेशीया इशाराय् कतया नितिं ल्वाइगु लिं गोर्खा भर्ति केन्द्र तियमःगु बरु नेपः या ल्यासेल्याम्हो पिन्ता ज्या वियगुया नामय् विदेशय् दां पुं ज्यामिकाथं छ्वयो च्वंगुलिं देशया हित मजुइगु खाँ ब्याकसे बैदेशिक रोजगारं देश थःगु तुतिखय् दानय् फैमखु धायो दिल ।

क्रान्ति सफल जुयता छगू ऐतिहासिक युग नं बिय फः । बिजुक्छेँ जुं धायो दिसे क्रान्तिया लागिं न्हँगु पुस्ताता तयारी यायां यंकय् मःगु शैक्षिक प्रमाणपत्र खं जक मनूया चरित्र व योग्यता दःम्हा जक क्व छियगु गल्ती जुइ, मू खाँ विचार व ब्यवहार खः धायोदिल ।

वयकलं देशय् राजनीतिक सड्कट वइगु इलय् लाक भारतीय विस्तारवादं भीगु देया सिमा चिं त्यल काइगुलिं सरकार सचेत जुयमःगुलि बः ब्यसे संसद विघटन स्वाभाविक व औचित्यपूर्ण पला खः धायोदिसे जनताया ताजा जनादेश काय्ता चुनावय् भागकायमःगु खाँ ब्याक दिल । नपां सरकारं प्रगतिशील कर लागु याय्मः धायोदिसे नेमकिपाया न्ह्याब्लें देश व जनताया इमान्दारीपूर्वक सेवा याइच्वंगु खाँ काड दिल ।

खप नगरपालिका प्रमुख सुनिल प्रजापति जुं नेमकिपा



निस्वांगु इलय् निसें गुब्लें हे पद व धेबाया नितिं ज्या मसांगु खाँ काड दिसे नेमकिपां नैतिकता व सिद्धान्तया राजनीति याइ च्वंगु खाँ काड दिल । खप नगरपालिकां खप विश्व विद्यालय सञ्चालन याय्गुलि मदिक्क कुतः याइ च्वनेगु खाँ ब्याकसे वयकलं छन्हू नं छन्हू खप विश्व विद्यालय कायो हे त्वतय्गु खाँ काड दिल ।

नेमकिपाया मू उद्देश्य ज्यासाड नैपुं ज्यापु ज्यामि तय्ता शासन सत्ताय् थ्यकय्ता कानुनी व गैर कानुनी संघर्षता बः बियो च्वंगु खाँ काडदिसे प्रमुख जुं संसदं समाजवाद वै धाय्गु संशोधनवादी सिद्धान्त जूगुलि नेकपाया ल्वापु सैद्धान्तिक व वैचारिक मखुसें पद व धेबाया ल्वापु खः, भागवण्डाया ल्वापु सावित जूगु दः धायोदिल ।

खप कलेजया प्राचार्य रुपक जोशी जुं भागवण्डा मिलय मज्जुगुया लिचवः संसद विघटन यागु व तः तः हांगु पार्टी धःपिसं सत्ताय् वाडा नं देश व जनताया सेवा याय मफगु खाँ ब्याक दिल ।

खप मा.वि. या प्राचार्य प्रकाश कुमार श्रेष्ठं नेमकिपां अमेरिकी एमसीसी सम्भौता संसदं पारित याय मज्युगु व थुकिता काय मज्युगु अडान कःगु खाँ ब्याकसे भ्रष्टाचार विरुद्ध नेमकिपां मदिक्क सः तयो वयो च्वंगु खाँ काड दिल । ज्या इवः सं शिक्षक कमिनिका न्याइ च्याइँ जुं नं न्वचु तयो द्युगु खः ।

खप नगरपालिका नगरवासीतय्गु

थगु हे संस्था खः

करदातातय्सं इलय्हे कर पुलदिसँ

नगरयामु विकासयाता ग्वाहाली याइ दिसँ



डय्प्यंगूगु ख्वप पौ. बःछि पौ(पाक्षिक)

सिद्धिगणेश साकोसया निस्वाना दिवस

पौष २७-२९

नेपाल मजदुर किसान पार्टीया केन्द्रीय दुज नपां ख्वप नगरपालिकाया प्रमुख सुनिल प्रजापति जुया मू पाहाँल्य सिद्धिगणेश साकोसया नी न्ह्यक्गू निस्वागुं दिवस संस्थाया तालिम हल्यु जूल । मू पाहाँ प्रजापति जुं सहकारी संस्था गरिबया पासा थें जुयमःगु नपां समाजया भिं ज्यायायगु मति तयो समाजता हछ्याड



यंकेयगु ज्या याय्मः धायोदिल । वयकलं समाज नवउदारवादया युगय द्रहँ वानय धुंङ्गुलि पुँजीवादी अर्थ व्यवस्थाय पुँजीपति वर्ग गरिब तयता भिं मयाइगु लिं सहकारी संस्थां गरिब तयगु भिं जुइगु काथं ज्या याय्मः धायोदिल । नपां कोरोना भ्रवलयया हुनिं संकट जूयो च्वंगु इलय सहकारी संस्था तयसं ख्वप नगरपालिकां निस्वाड तःगु प्रकोप व्यवस्थापन कोष्य यागु ग्वाहाली न्हि थाड

दिसे ख्वप नगरपालिकां शिक्षा, स्वास्थ्य व सम्पदा म्वाकः तयता दकलय हःनयँ तयो ज्या साड च्वंगु खाँ ब्याकसे सहकारी संस्था तयसं थःपुं दुजः पिनिगु आर्थिक, सामाजिक व साँस्कृतिक विकास याकः समाजता हे हज्याक यंकयता लॉपु क्यडः, दुजः पिन्ता नैतिकवान याय मःगु खाँ काड दिल ।

ज्या इवःसं वडा नं. ७ या वडाध्यक्ष उकेश कवां जुं सहकारी संस्थाय महिलात अपलं दयो वगु तस्कं बांलागु खाँ खः धायो दिसे मिसामस्तयता लाहातय ज्या दैगु सीपमूलक तालिम वियमः धायो दिल । वयकलं थाकालिपुं जेष्ठ नागरिक पिनिगु लागिं आदर निकेतन दय्केमःगु, समाजया थी थी पक्षया अनुसन्धान यायता अनुसन्धानकेन्द्र चाय्के मः धायोदिसे सहकारी बियो तःगु ऋणया नियमित अनुगमन व निरीक्षणया व्यवस्था याय्मः धायोदिल ।

ज्या इवःसं संस्थाया नायो राजन लाखा जुं संस्थाया उद्देश्य समाजता सामाजिक, आर्थिक व साँस्कृतिक रुपं विकास याड हछ्यायगु धायोदिसे २६ दुनय संस्थां यागु ज्या इवः ब्वसे थौया मार्ग निर्देशं भावी योजना दय्केता ग्वाहाली जुइगु खाँ ब्याक दिल ।

ज्या इवः सं संस्थाया पूर्व नायो कृष्ण गोविन्द लाखाजुं संस्थां शिक्षा व कासाया ख्यलय याड च्वंगु खाँ कुल दिलसा संस्थाया निवर्तमान नायो हरिरत्न गोर्खाली, संस्थापक नायो रविन्द्र दुमरु, न्वकु विष्णुराम दुमरु, दां भारी ईश्वर मान दुमरु छ्याञ्जे रुद्रनारायण लाखाजु पिसं नं संस्थाया थी थी ज्या इवः त ब्वयो दय्गु खः ।

प्र.अ. पुष्पलाल सुजखुया विदाइ

माघ २

तारा मा.वि. या पीछदाया शैक्षिक सेवाख्य संस्थापक शिक्षक नपां प्रधानाध्यापक पुष्पलाल सुजखुया सम्मानस विदाई ज्या इवः यात । उगु सभासं न्हँम्हा प्र.अ. शिक्षिका प्रेम लक्ष्मी त्वायनाता लसकुस नं यागु जुल ।

ब्वनय्कुथिया हनयँ जूगु उगु ज्या इवःसं मू पाहाँ ख्वप नगरपालिकाया प्रमुख सुनिल प्रजापति जुं अवकास लिपा नं थः कय थप जिम्मेवारी वगु मति तय्मःगु नपां थमनं जीवनय याडागु अनुभवत मुडः छगू साफू पिकाल धःसा न्हँगु पुस्ताता प्रेरणाया स्रोत जुइगु खाँ ब्याक दिल । वयकलं शिक्षित समाजं समूदायया विकास नपां समाज्य ह्युपा ह्यता ग्वाहाली याइगु खाँ ब्याकसे राजनीतिक कार्यकर्तात बांलासा देश बांलाइगु व मखुगु मानसिकतां

राजनीतियासा दे भन भन ल्युने लालां वानिगुलि न्हँगु पुस्ताया विद्यार्थी संगठित सचेत व विचारं स्यल्लापुं जुयमः धायो दिल ।

प्रमुख प्रजापति जुं सामुदायिक विद्यालय ब्वपुं विद्यार्थीत हे देशया नेतृत्व तहखय थ्यड च्वंगु उदाहरण न्हयब्वसे ख्वप नगरपालिकां अन्तर्राष्ट्रिय लागायतक धिधिं बल्ला याय फःपुं क्षमतावान ब्वनामिपुं ब्वलांकयता कलेजत चाय्क च्वडागु खाँ ब्याकसे ख्वपया शैक्षिक प्रगतिखय तारा मा.वि. यायगु नं महत्वपूर्ण भूमिका दःगु खाँ ब्याकसे अः कोरोनाया हुनिं शैक्षिक लागाय नपां तहांगु नोक्सानी जुयो च्वंगुलि ब्वनय्कुथि चाय्के बलय स्वास्थ्य सुरक्षा मापदण्डता विचः याय्मःगु शिक्षक पिसं इमान्दारीकाथं ज्या साडः विद्यार्थी पिनिगु भविष्य बांलाकयगु काथं याय्मः धायो दिल ।



डयप्यंगुगु स्वप पौ, बःखि पौ(पाक्षिक)



ज्या इवःसं ब्वनय्कुथिया प्रधानाध्यापक पुष्पलाल सुजखुं थः मनं ज्या साड च्वडागु इलय्या अनुभव काड दिसे ब्वनय् कुथि निस्वासेलिं समाज व समुदायया शैक्षिक स्तर थाकाय्ता ग्वाहाली जूगु खाँ ब्याक दिल ।

वयकलं ब्वनय्कुथि निस्वाडागु इलय् स्थानीय समुदाय बुद्धिजीवी, अग्रजपिसं अभिभावकीय भूमिका म्हेतः द्यूगु खाँ कुल दिसे तारा मा.वि. या शैक्षिक ज्या इवःसं ब्वनामिपिगु फुक्क लागाय् हे विकास जूगु खाँ ब्याक दिल ।

ज्या इवःसं ख्वप नगरपालिका कार्यपालिकाया दुजः कृष्ण लक्ष्मी दुवालं निवर्तमान प्रधानाध्यापक पुष्पलाल सुजखुया दुग्यंगु भूमिका लुमांकसें अवकास जूसा कन्ह्यया दिनय् नं ब्वनय् कुथिया

हज्याकय्ता ज्या साड दिइगु विश्वास प्वंकः दिल ।

ज्या इवःसं विद्यालय ब्यवस्थापन समितिया नायो उपेन्द्र सुवाल जुं ब्वनय्कुथि ज्या साड च्वम्हा शिक्षिका प्रेम लक्ष्मी त्वाय्ना जू याता न्हँम्हा प्रधानाध्यापकय् नियुक्ति याडागु खाँ ब्याकलसा नवनियुक्त न्हँम्हा प्रधानाध्यापिका प्रेमलक्ष्मी त्वाय्नां थगु शैक्षिक यात्रा तारा मा.वि. हे न्ह्याकागु खाँ कांसे थौ प्रधानाध्यापिका जिम्मेवारी काय दःगुलि गौरवान्बित जूगु खाँ कांसे ब्वनय् कुथिया चाकभनं विकास याड हज्याक यंकय्गुलि मदिक्व कुतः याय्गु खाँ ब्याकदिल ।

ज्या इवःसं विद्यालय ब्यवस्थापन समितिया दुजः उद्धव सुजखुं ब्वनय्कुथि निस्वाडागु इलय् वगु अनेकौं पंगः त लुमांकसें नेपाल मजदुर किसान पार्टीया प्रगतिशील बिचलं ख्वपया शैक्षिक विकासय् ग्वाहाली जूगु खाँ काड दिल ।

ज्या इवःसं विद्यालय ब्यवस्थापन समितिया बलराम प्रजापति, ज्या इवः या कजि हरिकृष्ण प्रजापति, शिक्षक हरिप्रसाद बास्तोला, शिक्षिका सिर्जना डाखुसी व छात्रा कृष्ण कायछं नं न्वचु तयो द्यूगु खः ।

ज्या इवःसं नगरप्रमुख प्रजापति जुं निवर्तमान प्रधानाध्यापक पुष्पलाल सुजखुता दोसल्ला ड्युकः हना पौ लःल्हाड दिलसा निवर्तमान प्र.अ. सुजखुं न्हँम्हा प्र.अ. त्वायनाता पदभार लः ल्हाड दिल ।

सञ्चिति (उपदान) कोषया साधारण सभा

वागिश्वरी सञ्चिति (उपदान) कोषया प्यकगु साधारण सभा सं मूपाहाँ ख्वप नगरपालिकाया प्रमुख नपां वागिश्वरी कलेज ब्यवस्थापन समितिया नायो सुनिल प्रजापति जुं पद व धेबाया लागिं देश हे मिम्हा प्रचण्ड भारतया गोटी (चागः) खः धायो दिसे नेमकिपां ओलीया समर्थन यागु मखुसें वं यागु संसद विघटनया औचित्यजक पुष्टि यागु खः धायोदिल ।

ब्वड तःपुं विज्ञपुं मरुगुलिं देश विकास मजुगु मखुसें देश



विदेशी काल धःसा तलब नं नेपाली धेबा स्वयो थिकय्गु विदेशी धेबा दइगु दास मानसिकताया कारणं देश बुलुहुं कमजोर जूयो वांगु खाँ कांसे प्रमुख ज्युं थी थी विषयलय् विशिष्टता कायो तःपुं विज्ञपुं देशभक्त जुयमः धायोदिल ।

वयकलं विजुली मताया आविष्कारक थोमस एल्वा एडिसनया उदाहरण ब्यूसे मन्महा पतिकं विशिष्ट गुण दैगुलिं अः खराब बानी दःपुं विद्यार्थीत लिपा खराब मजुयफःगुलिं शिक्षकपिसं विद्यार्थीपिनिगु बानी ब्यहोरा दुग्यंक अध्ययन याड वहे काथं अमिता ब्वंकय् मः धायो दिल नपां नेपः या भिंगु बांलागु गुणस्तरीय चा व दां पुं ज्यामित छ्यलः उत्पादनता विदेश निर्यात याय्दैगु, कृषिख्य विदेशी लगानी दुकाय्गु विधेयक देशता कतया भरय् म्वायमालिगु काथं याइगु खाँ ब्याकसे कृषिख्य थःगु तुतिख्य दानय् फैगु यायेता भीगु देशय् हे देसी सः कारखाना दय्के मः धायोदिल ।

वागिश्वरी मा.वि. या प्र.अ.नपां कोषया संरक्षक कृष्ण प्रसाद धन्छा जुं वागिश्वरी अग्रजपिनिगु योगदानं व भावी पुस्ताता शिक्षित याय्गु अभियान छगू कचा खः धायो दिसे ज्या साड च्वपुं शिक्षक, कर्मचारीपिसं वागिश्वरीता अझ हःनय् यंकता थप योगदान



डरप्यंगु खप पौ. बःछि पौ(पाक्षिक)

याय्मः धायोदिल ।

वागीश्वरी मा.वि. व कलेजया कोअर्डिनेटर नपां कोषया सल्लाहकार ज्ञान सागर प्रजापति जुं 'संस्था न्ह्यागु थःजु दिन कटे याय्गु मानापचे याय्गु' कर्मचारी मनोवृतिं सामुदायिक विद्यालयत क्वय् क्वय् वाडः च्वंगु खाँ ब्याकसे सरकारं शिक्षक तय्ता प्रमोशन याय्बलय् ब्वनामिपिनिगु संख्यात्मक व गुणात्मक नेगुं स्वयो याय्मः धायोदिल । वागीश्वरी, नेपाल मजदुर किसानपार्टी ज्वडः वगु बिचः या लिधांसाय् जनताया सेवाता हःनय् तयो हज्याडः च्वंगु खाँ ब्याकसे अः प्यद्वस्वयो अपः ब्वनामिपुं

ब्वडः च्वंगु खाँ काडः दिल ।

वागीश्वरी मा.वि. या सहायक प्रधानाध्यापक कृष्णप्रसाद कर्माचार्य जुं शैक्षिक गुणास्तरया लागिं ज्या साडः च्वंगु कर्मचारी व शिक्षकपिसं अभ् मेहनत याय्मः धायोदिल ।

वागीश्वरी कलेजया प्राचार्य नपां कोषया अध्यक्ष धन कुमार श्रेष्ठया सभानायोलय् जूगु ज्या इवः सं आ.व. २०७६/७७ या प्रतिवेदन कोष परिचालनया विनियम २०७७ पारित यागु खःसा हकनं छगु कार्यकालया लागिं धनकुमार श्रेष्ठया अध्यक्षताय् न्हँगु कोष सञ्चालक समिति निस्वान ।

गणेश मा.वि. उपभोक्ता समितिया गठन

माघ ६

नेपाल मजदुर किसान पार्टीया केन्द्रीय दुजः नपां खप नगरपालिकाया प्रमुख सुनिल प्रजापतिया मू पाहाँलय् नेमकिपा पाखं वागमती प्रदेश सांसद सुरेन्द्र राज गोसाईं या निर्वाचन क्षेत्र विकास कार्यक्रम पाखं गणेश मा.वि. या 'सी' ब्लकय् हल दय्केता उपभोक्ता समिति निस्वान । ज्या इवःसं नगर प्रमुख प्रजापति जुं उपभोक्ता समिति पाखं जुइगु ज्याखय् मितव्ययिता, बल्लाक, भिंक व ता तुइगु काथं थःगु भः पियो दय्किगु नपां स्थानीय जनताता ज्या दैगु नपां लागत अनुमान स्वयो म्हवचा जक खर्च वांक ज्या क्वचाइगुलि बांलागु लिचव वयो च्वंगु खाँ ब्याकसे उपभोक्ता समितिं इमान्दारीकाथं न्हयकनय् स्वयर्थे पारदर्शी ढंगं ज्या सानिगुलि विश्वास प्वंक दिल ।

सामुदायिक विद्यालयसं ई काथंया शिक्षाया विकास याय मफगुलिं ब्वनामिपुं भन भन म्वँ जुयो वांगु खाँ ब्याकसे वयकलं सार्वजनिक विद्यालयता बांलागु आचरण दःपुं दक्ष जनशक्ति ब्वलाकिगु थाय् काथं हज्याकय् मः धायो दिल । वयकलं छम्हा नेम्हा शिक्षक पुं थःगु पेशा खय् जिम्मेवार जुय मफःगुलिं ब्वनामिपिनिगु स्थिति कमजोर जुजुं वाडः च्वंगु खाँ काडः दिसे वयकलं खप नगरपालिकां सामुदायिक व निजी विद्यालय दथवी गुणास्तरय् समानता ह्यगु मतिं थी थी तालिम न्ह्याक च्वंगु, आर्थिक व भौतिक ग्वाहाली याडः वयो च्वंगु खाँ ब्याक दिल ।

खप नगरपालिका वडा नं. १ या वडाध्यक्ष श्यामकृष्ण खत्री जुं खप नगरपालिका दुनयँ जुइगु विकास निर्माण ज्याखय् स्थानीय जनताया सहभागिता खय् उपभोक्ता समिति पाखं ज्या जुयो च्वंगु नपां खप नगरपालिकां सामुदायिक विद्यालययाय्गु भौतिक निर्माणया लागिं आर्थिक ग्वाहाली बियो च्वंगु खाँ ब्याक



दिल ।

गणेश मा.वि. विद्यालय व्यवस्थापन समितिया नायो रविन्द्र खर्बुजा जुं उपभोक्ता समिति पाखं हल दय्केगु ज्या भिंक, बल्लाक, बांलाक इलय् हे दानिगु आशायासे सामुदायिक विद्यालयं शैक्षिक गुणास्तर बांलाक यंकैमः धायो दिल ।

ज्या इवःसं विद्यालय व्यवस्थापन समितिया दुजः लक्ष्मी नारायण राजलवट, गणेश मा.वि या प्र.अ. गणेशराम थुसा, इञ्जिनियर श्री कृष्ण न्याईं च्याईं जु पिसं विद्यालय बांलाकय्ता सकलसिया ग्वाहाली दैगु आशा यासे सामुदायिक स्कूलय् ब्वंकय्ता फुक्कसिता प्रेरित याय्मः धायो दिल ।

ज्या इवःसं शिक्षक लक्ष्मीसुन्दर सुवाल जुं नं न्वचु तयो द्यगु खः । ज्या इवः खं विद्यालय व्यवस्थापन समितिया दुजः लक्ष्मी नारायण राजलवट जुं स्थानीय बुद्धिभक्त सिन्ताकलया नायोसुइ न्हय्म्हासिया उपभोक्ता समिति निस्वाडागु खाँ काडः दिल ।

बुटवल उप महानगरपालिकाया उप प्रमुख नपालात

माघ ९

ख्वप नगरपालिकाया प्रमुख सुनिल प्रजापतिजुं बुटवल उप महानगरपालिकाया उप प्रमुख गुमा देवी आचार्यजुं नपां बुटवल उप महानगरपालिकाया कार्यालय भायो नपा लाडः दिल । नगर प्रमुख सुनिल प्रजापतिया न्ह्यलुवाय भःपुं प्रतिनिधिमण्डलया पुचः लं नगरपालिकाया दथ्वी थः थः गु अनुभव कालबिल यायूगु इवल्य् शुक्रवार बुटवल उपमहानगरपालिकाया भ्रमण याडः शिक्षा व स्वास्थ्यता हदाय् तयो ज्या साडः वयागु खाँ ब्याक दिल । प्रमुख प्रजापति जुं ख्वप देया पुलांगु नगर दुनय्या छँ, जग्गा नगरं पिनय्याय् पिसं न्याय मरुगु नियम दयकागु खाँ ब्याकसे नगरपालिकां ब्यवस्थित योजनात न्ह्याक च्वंगु नपां निर्माण याडः च्वडागु खाँ ब्याक दिल ।

नपालायुगु इवल्य् उपप्रमुख आचार्य जुं ख्वप पाखं सयुके सिङ्के लाङ्कगु अपलं ज्यात दःगु खाँ न्हिँ थांसे उप महानगरपालिकां शिक्षा, स्वास्थ्यता हःनय्तयो कृषि, पर्यटन, उद्योग व ब्यापारतानं प्राथमिकता ब्यू ब्यू ज्यासाडः च्वडागु जानकारी बियो दिल । वयकलं बुटवल उपमहानगरया डादाया शिक्षा योजना दयकः वहे काथं नगरया शैक्षिक विकासया लागिं आवश्यक ज्याइवःत दयक कार्यान्वयन याडः च्वंगु खाँ ब्याकसे लाहातय् ज्या दयकेया लागिं आवश्यक ज्या इवःत दयकः कार्यान्वयन याडः च्वंगु लाहातय् ज्या दैगु काथंया स्थानीय पाठ्यक्रम दयके धुंगु खाँ काडः दिल । नपां वयकलं युवा इलम कार्यक्रम पाखं उद्योगी ब्यवसायीत नपां मिलय् जुयो उपमहानगरपालिका हज्याडः च्वंगु खाँ ब्याकसे करयाघेरा अःभः तः चाक यासे नगरबासीपिन्ता मः काथंया छुट व सहूलियतया ब्यवस्था



याडागु खाँ काडः दिल ।

वयकलं उपभोक्ता समिति पाखं जुडगु ज्याख्य त्वाल्य् याय्पिन्ता दुथ्याकः त्वः विकास समिति पाखं विकास निर्माणया ज्या जूगु बुटवल उपमहानगरपालिकाया छगू बांलागु पक्ष जूगू व उपमहानगरता लैगिक हिसा मुक्त दयकेगु अभियानय् हज्याडः च्वडागु खाँ कांसे नागरिक समृद्धि जूसा मूलुक समृद्धी जुई धायो दिल ।

नपालायुगु इवल्य् नगर प्रमुख प्रजापति जुं उप-प्रमुख आचार्य जू याता ख्वप नगरपालिकाया सम्पदा पुनः निर्माणया क्पिपा मुना साफू नपांया नगरपालिकाया पिथनात उपहार काथं लः ल्हाडः दिल । वहे इवल्य् उप प्रमुख आचार्य जुं नं नगर प्रमुख प्रजापतिजुता मतिनाया चिं लः ल्हाडः दिल ।

उगु पुचलय ख्वप नगरपालिकां वडा नं. १ या वडाध्यक्ष श्याम कृष्ण खत्री, कार्यपालिका दुजः रोशन मैयाँ सुवा, नेमकिपाया वैकल्पिक केन्द्रीय दुजः राजेन्द्र चवाल, बुटवल नपाया न्यायिक समितिया दुजः पुं नं उपस्थित जूगु खः ।

संसदं समाजवाद वड धायूगु संशोधनवादी सिद्धान्त खः

माघ १०

नेपाल मजदुर किसान पार्टीया केन्द्रीय दुजः नपां नगरपालिकाया प्रमुख सुनिल प्रजापतिजुं संसद समाजवाद वड धायूगु संशोधनवादी सिद्धान्त जूगु खाँ काडः दिसे नेमकिपां स्थापनाकाल निसें नैतिकता व सिद्धान्तया राजनीति याडः वगु खाँ काडः दिल । एनटिभी कोहलपुर या टिक टक कार्यक्रमया पत्रकार दिप्टी भट्ट नपां माघ १० गते जूगु खँल्हाबल्हाख्य नेपःया कानुन



निर्माणया इवल्य्या थःगु अनुभव काडः दिसे सक्षम व योग्य ब्यक्तित्ता देशया नेतृत्व तहलय् थ्यंकयमःगुलि बः बियो दिल ।

वयकलं निजीकरणया पक्ष काडःपुं कम्युनिष्ट जुय मफैगु व संसद पुनः स्थापना स्वयो निर्वाचन लोकतान्त्रिक विधि जूगु खाँ ब्याकसे नेमकिपा निर्वाचनया पक्ष दःगु खाँ काडः दिल ।

राजनीतिक पार्टी दर्शन व सिद्धान्तया लिधांसाय निस्वाडः न्ह्याकयमःगुलि बः बिसे निर्वाचन धाँधली रहित निष्पक्ष ढंगं जुयमःगु खाँ नं वयकलं काडः दिल । नपां राजनीतिक स्पष्टताया नितिं नं निर्वाचन अपरिहार्य जूगु खाँ ब्याकसे प्रमुख प्रजापति जुं निर्वाचन प्रजातान्त्रिक प्रकृया खः नपां जनताता आर्थिक प्रलोभनय् मलाकसे इमान्दार ब्यक्तित्ता निर्वाचित याय्मः धायो दिल ।

ख्वप नगरपालिकां स्थानीय तह निर्वाचन २०७४ य् नेमकिपां प्रस्तुत यागु घोषणापत्र काथं आखः छगः हे मपाकसे पालना याडः वयो च्वंगु खाँ लिसें ख्वप नगरपालिकां ख्वप विश्वविद्यालय न्ह्याकय्या लागिं मदिकक ज्या याडः हालवयो च्वंगु नं खाँ काडः दिल ।



डायप्यंगूगु स्वप पौ. बःछि पौ(पाक्षिक)

नेपाल मजदुर किसान पार्टीया स्थापना दिवस

बाँके:

नेपाल मजदुर किसान पार्टी बाँके जिल्ला समितिया गवसालय नेमकिपाया पीन्हयूकगू स्थापना दिवस नपां न्हापांगु जिल्ला परिषद शनिबार क्वचाल ।

ज्या इवःसं नेपाल मजदुर किसान पार्टीया केन्द्रीय दुजः सुनिल प्रजापति जुं जिल्ला परिषदया सफलताया कामना यासे नेमकिपाया विधान काथं कार्यकर्तात परिचालित जुयता बः बियो दिल ।



वयकलं नेमकिपाया उद्देश्य नेपालय् कम्युनिष्ट व्यवस्था निस्वानय्गु खः धायोदिसे नेकपा तज्यागु व्यक्तिगत फाइदां याड समस्या द्रहं वगु खः धायोदिल । नपां नेपाल मजदुर किसान पार्टी समाजवादी व्यवस्था निस्वानयता कानुनी व गैरकानुनी लाँपु ज्वड हज्याड च्वंगु, नेमकिपाया प्रतिनिधि संसदया प्रखर प्रतिपक्षया भूमिका म्हेतः च्वंगु खाँ काड दिसे वयकलं प्रतिक्रियावादीत न्हांकः छ्वयता व जनताया राजनीतिक स्तर थाकायता निर्वाचनय् भागकायमः धायोदिल ।

संसदं समाजवाद वड धाय्गु नेकपाया नीतिता कुंखिसे वयकलं कृषि प्रधान देशय् कृषकतयता कृषिखय् विदेशी लगानी दुकायगु सरकारया नीतिया विरोध यासे तःहिम्हा डां चिच्या हिम्हा डायता नः थें तहाम्हा ब्यापारी नेपःया कृषि क्षेत्र हे धवस्त याय फःगुलिं सचेत जुयमःगु व गलत सिद्धान्त पार्टीया अस्तित्वहे न्हाडः वानय् फः धायोदिल । वयकलं नेपःया स्वतन्त्रता, सार्वभौमिकता व स्वाधिनताखय् घः लाइगु ज्या भारतं याड च्वंगुलिं नेमकिपां उकिया विरुद्धय मदिक्क संघर्ष याड च्वंगु खाँ काड दिल । नपां भारतं नेपालता फःसा सिक्किम याय्गु मफूसा भुटानया अवस्थाय् थ्यंकय्गु कुतः याड च्वंगु खाँ ब्याक दिल ।

नेमकिपाया बैकल्पिक केन्द्रीय दुजः राजेन्द्र चवाल संसद विघटनया बारे थी थी राजनीतिक दल तय्सं बिस्कं बिस्कं (धारणा) बिचः प्वंकः च्वंगु खाँ कुल दिसे नेमकिपां थुकी औचित्यता ढगु नपां स्वाभाविकता खः धायो च्वंगु खाँ काड दिल ।

वयकलं नेकपा पुँजीपति वर्गया भिंजुइगु ज्या याइगु पार्टी जूगुलिं व नेकपाया कार्यकर्तातय्सं विदेशी संघ संस्था, एन जि ओ/आइ एन जि ओया एजेन्ट जुयो छ्वाय् नयो लबकायो च्वंगु खाँ ब्याक दिल ।

वैकल्पिक केन्द्रीय दुजः चवाल पार्टी प्रकाशनता त्वः मफिइकसिं ब्वड थःगु सैद्धान्तिक स्तर च्वजाय्क, प्रेरित जुयो प्रेरित याड नेमकिपाया दृष्टिकोण थुइकयता नं अध्ययन छलफल व अन्तरक्रिया याय्मः धायोदिल ।

नेपाल क्रान्तिकारी महिला संघया केन्द्रीय दुजः रोशन मैयाँ सुवाल पार्टीया गतिविधि व इतिहास पाखं सय्के मःगु खाँ कासे नेमकिपां किसान तय्गु मोहियानी हक सुनिश्चित याकय्गु नपां बाली लयो छँ हयो बियगु आन्दोलन, भपाई आन्दोलन याड अपलं ज्या साड नैपुं ज्यापु-ज्यामि पिनिगु पक्ष मदिक्क संघर्ष याड च्वंगु नपां नेपःया प्रजातन्त्रिक आन्दोलनय नेमकिपाया भूमिका तस्कं च्वछायबहज्गु खाँ काड दिल । नेमकिपा बाँके जिल्ला समितिया नायो बखत थापां पार्टीया अनुशासनय् च्वड समाजवादी प्रचार अभियाने सक्रिय जुयो लगे जुयता कार्यकर्तापिन्ता निर्देशन बियो दिल ।

नेमकिपा बाँके जिल्ला समितिया न्वकु गौरीकान्त आचार्य जुं दे डांक नेमकिपाया ४७ कगू स्थापना दिवस डाय्क च्वंगु खाँ काड दिलसा छ्याञ्जे प्रकाश शाही जुं नं न्वचु तयो द्यगु खः ।
जुम्ला:

नेमकिपाया ४७ कगू स्थापना दिवसया लसताय शनिबार जुम्लाय् जनसभा व जुलुस प्रदर्शन जुल ।

सभासं पार्टीया केन्द्रीय दुजः नवराज कोइराला जुं देशय् संशोधनवादी हाबी जूगु इलय् अमिगु पुँजीवादी चरित्रता उलक्यड जनताया भिं याय्या मतिं नेमकिपा निस्वांगु खाँ काड दिल । वयकलं सामन्तवादया खोलं पुयो प्रजातन्त्रया वकालत याइपुं नेपाली कांग्रेस व नेकपा नेगू पार्टी साम्राज्यवादी अमेरिका व विस्तारवादी भारतया एजेन्ट खः । व पार्टीत सत्ताय् वासां नं अमिसं जनताता भिं जुइगु ज्या मयागु खाँ ब्याक दिल ।

वयकलं शत्रु व मित्र म्हासिइकय् मःगु धायोदिसे संसद विघटनया मुद्दा अदालतं टुङ्गो लगेयाई धायोदिसे समाजवादी



डयूप्यंगुगु स्वप पौ. बःखि पौ(पाक्षिक)

राज्य व्यवस्था निस्वानयगु इवल्य कर्णाली अञ्चल्य दकलय न्हःपां नेमकिपां ह्योगु भुन्डा थांगु खाँ ब्याकसे वयकलं समाजवाद व साम्यवादी व्यवस्था निस्वानय मधुंतलय नेमकिपां संघर्ष याड च्वनि धायोदिल ।

नेक्राशिसंघया केन्द्रीय दुजः दीर्घबहादुर शाही जुं पुँजीवादी पार्टीपाखं जनतां बारम्बार धोखाजक बियो च्वंगु खाँ काड दिसे पद, धेवा व ब्यक्तिगत स्वार्थया लागिं राजनीति याडपिसं जनताता न्ह्याब्लें भांगः लाड च्वंगु खाँ न्हिथाड दिल ।

नेक्रासिंघ जुम्लाया नायो विष बहादुर राउत जुं किसान तयगु समस्याता सरकारं ध्यान मब्यगु खाँ कांसे किसान तयता इलय हे देसी सः उन्नत पुसात अनुदान नपां प्रविधि स्यड यंक्य फःसा दे थःगु तुतिखय दानय फँगु खाँ ब्याकदिल ।

नेक्रा यु संघ जुम्लाया छ्याञ्जे भीम बहादुर सार्की ल्यासे ल्याम्हो पिनता विदेश छ्वयगु मखुसे भ्नीगु देशय हे ज्या बियमः धायो दिल ।

नेक्रामहिला संघ जुम्लाया नकीं मयजु राज्य लक्ष्मी न्यौपाने जुं समाजवादी आन्दोलनया लागिं महिला तयगु नं तहांगु लाहा दैगु खाँ ब्याकसे समाजवादी आन्दोलन या लागिं संघर्ष यायता इनाप याड दिल ।

नेक्राविसंघ जुम्लाया नायो गोरखजड्ग शाजी जुं विद्यार्थीपुं ह्युपाहडपुं बल्लागु शक्ति जूगुलिं विद्यार्थी जीवन निसें हे राजनीतिक रुपं सचेत व सड्गठित जुयमः धायोदिल ।

ग्वसखलया कार्यवाहक नायो राजेश्वर देवकोटाया नायोसुई जूगु ज्या इवः सं यज्ञ बहादुर बुढाथापा, टेक बहादुर रोकाया, पूर्णलाल खत्री, जय कृष्ण न्यौपाने जु पिसं न्वचु तयो द्यगु खः ।

नेमकिपा जुम्ला जिल्ला पार्टी कार्यालय न्ह्याकगु ज्याली बजार चाहिल टुँडिखल्य थ्यंक जनसभा याड क्वचायकगु खः ।
भौतः

नेमकिपाया स्थापना दिवसया लसताय नेमकिपा बनेपा नगरसमितिया ग्वसालय शनिबार जूगु विचार गोष्ठीसं नेमकिपाया केन्द्रीय दुजः सरोज राज गोसाईं जुं गणतन्त्र वः सां जनताया आशा काथं ह्युपा मवगु धायोदिसे न्ह्यागुनं थिकय जूगु, भ्रष्टाचार नातावाद व भागवण्डाया राजनीतिं जनतां दुःख सियो च्वंगु खाँ ब्याकसे समाजवादी आन्दोलनया विकल्प मरुधायो दिसे पुँजीवादया हुनिं हलिमय अपलं युद्ध जुयो च्वंगु व हलिमय जलवायु सड्कट पुँजीवादं याड हे वगु खः धायोदिल ।

केन्द्रीय दुजः गोसाईं जुं स्वतन्त्रता, समानता व भाइचाराया नारा बियो दयकगु पुँजीवाद असफल जुय धुंकगु धायोदिसे थौं नं विश्वया छगू अर्ब मन्तय न्हिं छछाजक नयो च्वंगु धायोदिसे नव उदारवादी नीतिं राज्यतानं (निरिह) आपातियाड ब्यगु व कोरोना

महामारी या इवल्य पुँजीवादी देशय मन्त असुरक्षाया सिकार जूगु खाँ ब्याक दिल ।

गोष्ठी सं नेमकिपा भौत नगरसमितिया नायो त्रिरत्न सायमिया सभानायोलय जूगु विचार गोष्ठीसं पूण्यशोभा श्रेष्ठ, लक्ष्मी राम न्हुछे प्रधान, ज्ञानेन्द्र डंगोल लक्ष्मी मानन्धर ओम प्रसाद मानन्धर जु पिसं नेपःया कम्युनिष्ट आन्दोलनय नेमकिपाया भूमिका बारे न्वचु तयो द्यगु खः ।

रैः

नेमकिपाया टोखा नगरसमितिया ग्वसालय नेमकिपा स्थापना दिवसया लसताय जूगु प्रवचन गोष्ठी सं नेपाल मजदुर किसान पार्टी केन्द्रीय समितिया दुजः सनकमान महर्जनं नेमकिपा कम्युनिष्ट आन्दोलनय स्पष्ट अडान ज्वड देशय समाजवादी व्यवस्था निस्वानयता ह्युयाड च्वंगु पार्टीखः धायोदिसे थुगु बिचः याता अपलं प्रचार प्रसार याड जनताया दृष्टी थ्यंक सचेत यायमः धायो दिल ।

नेमकिपाया टोखा नगर समितिया नायो रविन्द्र डंगोलया सभानायोलय जूगु ज्या इवःसं नेमकिपा रै जिल्ला समितिया दुजः विशोक डंगोल, नेपाल क्रान्तिकारी किसान संघ रै जिल्ला समितिया नायो वीर बहादुर डंगोल, नेक्रा महिला संघ रै जिल्ला समितिया नकिं मीना डंगोल, जन साहित्य समाज टोखाया नायो काशिलाल डंगोल, नेमकिपा टोखा नगर समितिया छ्याञ्जे मदन श्रेष्ठ, शैलेस डंगोल, कमल बहादुर डंगोल, रमेश डंगोल, नेक्रा किसान संघ टोखा नगर समितिया नायो पञ्च नारायण श्रेष्ठ, ने.क्रा. महिला संघ टोखा नगर समितिया दांभारी सृजना डंगोल, दुज गीता डंगोल पिसं नं न्वचु तयो द्यगु खः ।

सिन्धुपाल्चोकः

नेमकिपा सिन्धुपाल्चोक जिल्ला समितिया ग्वसालय पार्टी स्थापना दिवसया लसताय जूगु प्रशिक्षण ज्या इवः सं नेमकिपा वैकल्पिक केन्द्रीय दुजः नारायण बहादुर दुवाल जुं नेमकिपाया स्थापना संशोधनवाद, वामपन्थी व दक्षिणपन्थी अवसरवाद, अराजकतावाद, आत्मसमर्पणवाद, संकीर्णता, बडाराष्ट्र अहङ्कारवाद, अन्धराष्ट्रवाद, विस्तारवाद व साम्राज्यवादया विरुद्ध जुगु खः धायोदिल ।

वयकलं नेमकिपां समाजवादी आन्दोलनता बः बियो वयो च्वंगु, मार्क्सवाद, लेनिनवाद, मोओत्सेतुड विचारधारा पार्टीया मार्गनिर्देश सिद्धान्त खः धायोदिसे जनताया प्रजातन्त्र जुजुं समाजवाद व साम्यवाद स्थापना यायगु पार्टीया मू उद्देश्य खः धायोदिल ।

नेमकिपाया मेम्हा बैकल्पिक केन्द्रीय दुजः कृष्ण बहादुर तामाड जुं सर्वहारावर्गया शासन सत्ता जुड्गु समाजवादी व्यवस्था नेमकिपां ज्या साड च्वंगु खाँ ब्याक दिल ।



डर्याप्यंगुगु खवप पौ. बःखि पौ(पाक्षिक)

नेपाल कर्मचारी समाजया केन्द्रीय नायो गौतम प्रसाद लासिवा जुं नेमकिपां बहुसंख्यक ज्या याडः नैपुं ज्यापु ज्यामियाता भिं याडुगु समाजवादी ब्यवस्था ह्यता ज्या साडः च्वंगु खाँ ब्याक दिल ।

युधिष्ठिर 'आकास' या सभानायोलय् जूगु ज्या इवःसं मीना मास्के, मुना तामाडः, गणेश खटेलपिसं नं थःगु नुगः खाँ प्वंक द्यूगु खः ।

चितवन

नेमकिपाया स्थापना दिवसया लसताय नेक्रायुसंघ व नेका विसं या मंकः ग्वसालय् जूगु युवा-विद्यार्थी भेला सं नेमकिपाया केन्द्रीय दुजः नपां वागमती प्रदेशया दुजः सुरेन्द्र राज गोसाईं जुं नेमकिपाया कार्यकर्ता व समर्थक पिसं अपलं अध्ययन याडः संघर्ष याय्मगु ई वगु खाँ ब्याकसें देया राजनैतिक अवस्था स्यडः च्वंगु शासक दल औपचारिक रुपं तज्याय्ता ल्वाडः च्वंगु ब्यक्तिगत स्वार्थ पद व धेबाया नितिं जुयो च्वंगु ल्वापुं जनताता भिं मयाडुगु गुकिं देशं दुर्भाग्य जक भोग्य् याय मालिगु खाँ ब्याकसेशासक दलया भागवण्डाया ल्वापु प्रदेशे नं खान्य् दःगु, थःगु हे पार्टीया सांसद पिसं थःगु हे प्रदेश सरकारया मुख्य मन्त्रीता अविश्वासया प्रस्ताव दर्ता यागुलिं अमिकय् सिद्धान्त व विचः या एकता मरुगु स्पष्ट जू धायो दिल ।

ज्या इवःसं नेमकिपा चितवन जिल्लाया नायो हरिप्रसाद दुवाल जुं नेमकिपां निस्वांसां निसैं देश व जनताया पक्षकायो संघर्ष याडः वयो च्वंगु मखुगु लायँ वाडः च्वंगु कम्युनिष्ट आन्दोलनता नेमकिपां मार्ग निर्देश याडः च्वंगु खाँ ब्याक दिल ।

ज्याइवःसं नेपाल क्रान्तिकारी मजदुर संघया जिल्ला अध्यक्ष राजकुमार श्रेष्ठ संसदीय प्रणाली काथं देयाता मछिं गु थासं छिंक ह्यता राज्य प्रमुखता विशेष अधिकार दै । नेकपा दुनं हे सरकारता ज्या सान्य् मछिंक लाहा ज्वडः तःगु व सरकार क्वथय्गुज्या यागुलिं प्रधानमन्त्री ओलिं संसद विघटनयागु स्वाभाविक व औचित्यपूर्ण जुगु खाँ स्पष्ट याडः दिल ।

ज्या इवःसं युवा संघया ज्ञानेन्द्र चेपाडः, पदम मगर, सन्तबहादुर पाख्रिन, विद्यार्थी अर्जुन चेपाडः, कृष्ण तामाडः नं न्वचु तयो द्यूगु खः ।

खप्तडः

नेमकिपा स्थापना दिवसया लसताय सुनपा ८ विविचाय् जूगु कार्यकर्ता भेलाय् नेमकिपाया केन्द्रीय दुजः सरोजराज गोसाईं जुं वर्ग संघर्षता अपलं हज्याक यंकय्मः धायोदिसे पुँजीवादीया विकास नपां ज्या साडः नैपुं ज्यामि तय्ता शोषण अःपुक याडः वयो च्वंगुलि अः मजदुर आन्दोलनया आवश्यकता जुल धायो दिल । वयकलं अनेकौ राजनैतिक ह्यूपा वलसां सत्ताय् च्वंपिसं शोषणया

लाँपु हे ज्वडः च्वंगुलिं ज्यासाडः नै पिसं सडुगठित जुयो आन्दोलन मयाकं समाजय् धात्थेगु ह्यूपा मवैगु खाँ ब्याक दिल ।

नेमकिपाया केन्द्रीय दुजः नपां ने.क्रा. महिला संघया केन्द्रीय न्वकु कमल मैयाँ सुवालं प्रतिक्रियावादी तय्सं भीता ल्वाकः राज याडुगु खाँ थुडक सचेत जुयो संघर्ष याय्मः धायोदिल । नेमकिपा सूर्यविनायक नगरसमितिया नायो सूर्यभक्त त्वाती जुं नेमकिपां देया सार्वभौमिकता ल्यंकः तय्ता तह्रांगु योगदान यागु खाँ ब्याक दिल ।

ग्वसाखलया नायो श्याम सुन्दर सुवाल जुया सभानायोलय् जूगु ज्या इवःसं ने.क्रा.कि. संघया राजेन्द्र बखुन्छेँ, कृष्ण नारायण मचामसी, केपी बाटी पिसं नेमकिपाया न्हयलुवाय जूगु आन्दोलनय् भाग कायागु इलयया अनुभव काडः दिल ।

अथेहे नेपाल क्रान्तिकारी किसान संघ चाडुगुनारायण नगर समितिया ग्वसालय् डायकगु नेमकिपाया स्थापना दिवस सं नेमकिपा भक्तपुर जिल्ला समितिया नायो न्हुच्छेभक्त फाँजुं ग्वसाखलया नायो नारायण भक्त न्हेम्हाफुकी, गणेशराम सुवाल, रामभक्त सुकमनी, कमला गिरी, धनबहादुर श्रेष्ठ व टडुक प्रसाद कटेलं नं न्वचु तयो द्यूगु खः ।

यलः

नेमकिपाया स्थापना दिवसया ल सताय् यल जिल्ला समितिया ग्वसालय् जूगु ज्या इवः सं नेमकिपाया केन्द्रीय छ्याञ्जे प्रेम सुवाल जुं भारतं नेपालता गुढलें हे भिं याय्गु मति मतः गु खाँ ब्याकसे भारतय् कम्युनिष्ट सरकार वसा जक नेपालय भिं जुडुगु धायोदिसे भारतीय विस्तारवाद व मोदी फासीवादीया सरकारं नेपःया भूमिं त्यः त्यं थःगु याय् ताडुगु दःसा सरकारय् वापुं पार्टीत सरकारया (गोटी) चागचा जक जुयो च्वंगु दः धायोदिल ।

कम्युनिष्ट तय्सं शिक्षा, स्वास्थ्य निःशुल्क याडः, सामाजिक स्वामित्वता बः बिई । छ्याञ्जे सुवाल जुं धायो दिसे नेमकिपा मरुगु जुसा देश व जनताया पक्ष नुवाडुगु पार्टी हे मदैगु खाँ ब्याक दिल ।

नेमकिपाया यल जिल्ला समितिया कजि टीकाराम महर्जनया सभानायोलय जूगु ज्याइवः सं नेमकिपाया केन्द्रीय दुजः नारायण महर्जन, राजवीर डंगोल केन्द्रीय बैकल्पिक दुजः नारायण बहादुर दुवाल, ने.क्रा. वि. संघया सुरेश परियार, अशोक महर्जन, नरेश महर्जन, कविन्द्र डंगोल, महेन्द्र शाक्य, दिलमाया महर्जन पिसं पार्टी स्थापनाया इतिहास व राजनैतिक ज्या इवः या बारे न्वचु तयो द्यूगु खः ।

सुर्खेतः

नेमकिपाया स्थापना दिवसया लसताय आइतबार सुर्खेतय् 'जनताको प्रजातन्त्र' विषय सुर्खेत जिल्ला समितिया ग्वसालय जूगु



डयूयंगुगु स्वप पौ, बःखि पौ(पाक्षिक)

प्रवचन सं नेमकिपाया केन्द्रीय दुजः सुनिल प्रजापति जुं पार्टी निस्वांगु पीखुदाया दुनय नेमकिपाया अग्रजपिसं याडः द्यूगु योगदान व भूमिका लुमांकेसे पार्टीता निजी स्वार्थया नितिं छ्यलिपुं मनूत ता ई तक चवड चवनय् मफूगु खौं ब्याक दिल । वयकलं नेमकिपाया न्ह्यकगु महाधिवेशनं जनताया प्रजातन्त्र, समाजवाद जुजुं साम्यवादतक थ्यंकयूगु लक्ष्य ज्वडः हज्यागु खः धायो दिल ।



प्रधानमन्त्री केपी ओलियागु संसद विघटनता नेमकिपां स्वाभाविक व औचित्यपूर्ण काथं कायो च्वंगु खौं काड दिसे नेकपाया ल्वापु छुं नं सैद्धान्तिक ल्वापु मखु अपुं ज्या साडः नैपुं कामदार जनताया विरोधी पुँजीवादी सरकार खः धायोदिल । वयकलं सन १९५० या सन्धी नेपालय् कायम जुयो च्वंतलय् भारतं नेपालता न्ह्याब्लें काथं मछिनिगु ज्या साडः तुं च्वनिगु सम्भावना दःगुलिं उगु सन्धी खारेज याय्मःगु माग नेमकिपां तयोतुं वयो च्वंगु खौं नं ब्याक दिल । नपां भारतं नेपःया आर्थिक ब्यापारिक व राजनैतिक क्षेत्रे प्रभुत्व जमेयायां वाडः च्वंगु खौं कासैं भारतं नेपःता आर्थिक रुपं कतया भरय् म्वाय् मालिगु काथं हज्याडः च्वंगु, आर्थिक रुपं स्वतन्त्र मजुगु देश स्वाधिन व स्वतन्त्र जुय मफूगु खौं ब्याकसे मू पाहाँ प्रजापतिजुं जनताया प्रजातन्त्र धायूगु समाजवाद ह्यता न्हपांगु पला खः दक ब्याख्या यासे ज्या साडः नैपुं ज्यापु ज्यामिया शासन ब्यवस्था ह्यो सरकारया आर्थिक उत्पादन वा साधनत सरकारीकरण यायां यंकेगु समाजवादया सौन्दर्यता खः धायो दिसे वयकलं नेपालय् वयो च्वंगु समाजवाद ह्यता नेमकिपा मदिसैं क्रियाशील जुयो संघर्ष याडः वयो च्वंगु चुनावं समाजवाद वै धायूगु पुँजीवादी सोच व संशोधनवादी विचः ख धायो दिसे नेमकिपां प्रमुख प्रतिपक्षया भाला कुबियो भूमिका म्हित च्वंगु खौं ब्याक दिल ।

ने.क्रा. मजदुर संघया केन्द्रीय नायो राजेन्द्र चवालं पार्टी स्थापना दिवस पार्टीया इतिहास व पार्टीया अग्रज पिन्ता लुमांकेगु दिन खः धायोदिसे पार्टीया सैद्धान्तिक आधार बारे अध्ययन व

छलफल यायूगु अवसर काथं स्थापना दिवस डायूके मः धायो दिल ।

ने.क्रा. महिला संघया केन्द्रीय दुजः रोशन मैया सुवालं दुई तिहाई बहुमत दःम्हा नेकपां थःता कम्युनिष्ट दाबी यासां नेपालय् समाजवादी ब्यवस्था निस्वानयता छुं हे ज्या मयागु खौं ब्याक दिल ।

ने.क्रा किसान संघया केन्द्रीय दुजः प्रेमकुमार थापा जुं कम्युनिष्टया खःपा पुयो नेकपां जनताता भांगः लाड च्वंगु नपां कृषिप्रधान देशय् कृषक तयूगु भिंजुइगु छुं हे ज्या यायू मफूगु खौं ब्याकसे नेपःया पुँजीवादी पार्टी तयूसं किसानतयूता न्ह्याब्लें शोषण याडः च्वंगु खौं काडदिल ।

ज्या इवःसं नेमकिपा सुखेत जिल्ला समितिया नायो हरिबहादुर बोहरा, सहसचिव शेर बहादुर शाही, प्राध्यापक समाज नेपालया केन्द्रीय दुजः प्रा.टीका प्रसाद पोखरेल, ने.क्रा. महिला संघया सुखेतया बिजुकला राना, नेमकिपा सुखेत जिल्लाया धनेन्द्र विकपिसं नं न्वचु तयो द्यूगु खः ।

सैं:

नेमकिपा यैं जिल्ला समितिया ग्वसालय् ४७ कगू पार्टी स्थापना दिवस डायूकेगु इवलय् 'श्रमिक' वापौ व 'मजदुर' न्हि पौ या अन्तरक्रिया ज्या इवःयासे नेमकिपाया केन्द्रीय छ्याञ्जे प्रेम सुवाल जुं स्थापना दिवस सं मार्क्सवाद लेनिनवाद व माओ विचारधारा नपां अन्तर्राष्ट्रिय कम्युनिष्ट आन्दोलनया इतिहास अध्ययन यायूता बः बियो दिल । वयकलं पार्टीया कार्यक्रम विधानबारे थप विस्तृत अध्ययन याडः थः प्रस्ट जुयता सल्लाह बियो दिल ।

नेमकिपा यैं जिल्लाया नायो नारायण महर्जनया सभानायोलय जूगु ज्या इवःसं पार्टी केन्द्रीय दुजः राजवीर डंगोल, केन्द्रीय वैकल्पिक दुजः नारायण बहादुर दुवाल, सुरेन्द्र महर्जन, मदन श्रेष्ठ, विस्वक डंगोल, श्याम कुमार महर्जन, रबिन्द्र डंगोल पिसं पार्टी स्थापना दिवस व श्रमिक वा पौ, मजदुर न्हि पौ खय् प्याहाँ वगु च्वसुया बारे न्वचु तयो द्यूगु खः ।

कैपुली:

कीर्तिपुर नगरसमितिया ग्वसालय् जूगु नेमकिपाया स्थापना दिवसया लसताय् जूगु श्रमिक वा पौ व मजदुर न्हि पौ या अन्तरक्रिया ज्या इवःसं नेमकिपाया छ्याञ्जे प्रेम सुवाल जुं संशोधनवाद व अवसरवादं नेपः देया कम्युनिष्ट आन्दोलन बचेयाडः तयूता नेमकिपा थापनायागु खौं ब्याकसे मार्क्सवाद लेनिनवाद, माओत्सेतुड विचारधारा वैज्ञानिक समाजवाद खः धायो दिसे पुँजीवादया उत्थान, विकास व पतन पक्का हे खः मार्क्सवादी नियमकाथं शोषित वर्ग शोषकतयूता वर्ग संघर्ष बुकिगु खः अल्य संसदं समाजवाद वै धायूगु खौं जनताया विश्वास मरु धायोदिल ।



डर्यांगूगु खप पौ. बःधि पौ(पाक्षिक)

नेमकिपाया केपुली नगर समितिया नायो हरि कुमार महर्जनया सभा नायोलय् जूगु ज्या इवःसं नारायण महर्जन, राजवीर डंगोल, नारायण बहादुर दुवाल, विशोक डंगोल जु पिसं नं न्वचु तयो द्यूगु खः ।

कास्की:

नेमकिपा स्थापना दिवसया लसताय कास्की पोखराय् जूगु ल्यासे-ल्याम्हो पिनिगु भेलाय्सं नेमकिपाया केन्द्रीय दुजः डिल्ली प्रसाद काफ्ले जुं रुसी संशोधनवाद सामाजिक साम्राज्यवादय् पतन जुसेलिं नेपःया कम्युनिष्ट आन्दोलनय् बाँमलागु लिच्वलागुलिं समाजवादी आन्दोलन म्वाकः तय्ता थापना जूगु नेमकिपाया खाँ ब्याकसें देया सार्वभौमिकता व जनताया प्रजातन्त्र थापना याय्ता ल्यासे-ल्याम्होपुं सचेत जुयो दानय् मःगु अमिता विदेशय् दांपुं ज्यामि याड छ्वय्गु मखु भीगु देशय् हे ज्या बियमः धायोदिल । ज्याइवःसं ने.क्रा. युवा संघया मिनबहादुर बाटां नं न्वचु तयो द्यूगु खः ।

कालीकोट:

कालीकोट जिल्ला कमितिया ग्वसालय् जूगु नेमकिपा थापना दिवसया लसताय मान्म खाँडाचक्रय जनसभा व जुलुस जुल । उगु जनसभाय् नेमकिपाया केन्द्रीय दुजः नन्द बहादुर शाही जुं नेमकिपा नेपालया कम्युनिष्ट आन्दोलनय् प्रकाशस्तम्भ खः धायो दिसे मार्क्सवाद-लेनिनवाद माओविचारधाराता देश काल परिस्थिति काथं ज्या साड नैपुं कामदार जनताता सचेत व संगठित याड देया सार्वभौमिकता भुअखण्डता व स्वतन्त्रता म्वाकः तय्ता संघर्षरत अन्तर्राष्ट्रवादी पार्टी खः धायो दिल नपां-

सत्तारूढ नेकपा तज्यागुलि अमिगु दुनयया ल्वापु खः धायो दिल ।

ज्या इवःसं ने.क्रा. शिक्षक संघ केन्द्रीय समितिया न्वकु नरदीप शाही जुं निर्वाचन जनताया राजनैतिक चेतना नापेययाइगु ब्यारोमिटर जूगुलिं जनतां संशोधनवाद, अराजकतावादता थुइक हज्याय् मः धायो दिल ।

अथेहे पार्टी जिल्लाया छ्याञ्जे खद्गराज शाहीजुंया सभानायोलय् जूगु ज्या इवःसं ने.क्रा. सांस्कृतिक संघया प्याखंम्व तय्सं प्याखं क्यंगु खःसा जिल्ला समितिया दुजः धनञ्जय अधिकारी, शुभ कालिका गा.पा. समितिया छ्याञ्जे खडानन्द अधिकारी तिलागुफा नगर समितिया न्वकु प्रेमलाल कोइराला व धर्मदत्त अधिकारी पिसं नं न्वचु तयो द्यूगु खः ।

मकवानपुर

मकवानपुर जिल्ला समितिया ग्वसालय् जूगु पार्टी स्थापना दिवसय् नेमकिपाया केन्द्रीय दुजः नपां बागमती प्रदेशया सांसद सुरेन्द्र राज गोसाइँ जुं नेकपा किजाम्हा कांग्रेस खः धायोदिसे अमिगु ल्वापु सिद्धान्तया मखुसें पद व धेबाया लागिं जूगुलिं अपुं

पुँजीवादी पार्टी खः धायो दिल ।

अथेहे नेमकिपा केन्द्रीय दुजः वागमती प्रदेश सदस्य सृजना सैजुं नेमकिपा स्थापना कालं दिसें देश व जनताया भिं जुइगु ज्याखय् संघर्ष याड वयो च्वंगु, राष्ट्रिय राजनीतिखय् खानय् दःगु विकृति व बेथितिया विरुद्ध प्रखर प्रतिपक्ष जुयो ल्वाड च्वंगु नपां नेमकिपा थापना याय्मःगु या कारण क्यड दिल ।

ज्या इवःसं नेमकिपा मकवानपुरया नायो शान्तलाल भैल, ने.क्रा. मजदुर संघया पूर्ण सिं वाइवा, बिष्णु बहादुर श्रेष्ठ, नवराज कोइराला दिपेन्द्र श्रेष्ठ पिसं नं थः थः गु बिचः प्वंक द्यूगु खः ।

सोलुखुम्बु

नेमकिपा थापना दिवसया लसताय सोलुखुम्बु दुधकुण्डय् जूगु भेलासं नेमकिपाया केन्द्रीय दुजः उकेश कवां जुं कम्युनिष्ट आन्दोलनय् खानय् दःगु खोटा बिचःता खण्डन याड नेमकिपा थापना जूगु, कम्युनिष्ट तय्सं मू लक्ष्य उत्पादनया मुख्य मुख्य साधनत सामाजिकीकरण याड शोषण मरुगु ब्यवस्था हयो ब्यक्तित्व विकासय् समान अवसर दयमःगु अः कम्युनिष्ट नायां सत्तारूढ दलं अथे मयासिं पद व धेबाया लागिं जूगु खः धायोदिल ।

अथेहे ने.क्रा. मजदुर संघया केन्द्रीय दुजः राजकृष्ण गोरं कृषि प्रधान देशय् सरकारं किसान तय्ता भिं जुइगु छुं हे ज्या याय् मफूगु खाँ काड दिल ।

ज्या इवःसं नेमकिपाया महेन्द्र बखुन्छे, कुमार कट्टेल, सरस्वती मगर, पूर्ण बहादुर मगर कमल बहादुर मगर पिसं नं न्वचु तयो द्यूगु खः ।

अथेहे सोलुखुम्बु दुध कुण्ड नपा वडा नं. ११ तिड्गालाय् जूगु युवा संघया भेलाय् उकेश कवां जुं ल्यासे ल्याम्होपुं विदेशय् दांपुं ज्यामि काथं छ्वयो च्वंगु, भीगु देशय् ज्या विय मफगु व चुनावबलय् थ्वँ, ऐला, त्वंक स्यंक चुनाव त्याक थौं देशता दुर्गती यागु खाँ कांसे पुँजीवादी ब्यवहारय् शोषण दैगुली सचेत जुयमः धायो दिल ।

ज्या इवःसं शिक्षक कुमार कट्टेल, दिनेश कार्की पिसं नं न्वचु तयो द्यूगु खः ।

रुपन्देही

नेमकिपा पार्टी थापना दिवसया लसताय रुपन्देही सैनामैना बुद्ध नगरे जूगु विद्यार्थी भेलाय् नेमकिपा रुपन्देहीया जिल्लाया नायो हरिसुन्दर बासी जुं नेमकिपां ब्यापक कामदार जनताया पक्ष ज्या साड वगु खाँ कांसे संसदय् न्यायमिय याइगु स्वयो चुनाव हे बांला धायो दिसे नेमकिपा ब्यक्ति स्वयो देश व जनताया भिं ज्याखय् हज्याड च्वंगु खाँ ब्याक दिल ।

ज्या इवःसं ने.क्रा. सांस्कृतिक संघया नकीं कमला विकं देश व जनताया सेवा याय्गु मतिं हज्याय्मः धायो दिल ।

डय्प्यांगुगु स्वप पौ, बःछि पौ(पाक्षिक)

रामेछापः

नेमकिपा थापना दिवसया लसताय रामेछापय् जूगु भेलासं नेमकिपाया वैकल्पिक दुजः नारायण बहादुर दुवालं नेमकिपा समाजवादी व्यवस्था निस्वानयता संघर्ष याड च्वंगु खॉ बयाकसैं ओली संसद विघटन यागु औचित्यपूर्ण जूगु अः ताजा जनादेशया निरन्तर निर्वाचनय् वानय् मः धायोदिल ।

ज्या इवःसं नेपाल कर्मचारी समाजया नायो गौतम लासिवा जुं नेमकिपा स्थापनाया उद्देश्य काड दिल । हरिकृष्ण श्रेष्ठया सभा नायो लय् उगु ज्या इवःसं नवीना श्रेष्ठ आकाश मानन्धर पिसं नं न्वचु तयो द्यगु खः ।

अछामः

अछाम जिल्ला समितिया गवसालय जूगु पार्टी स्थापना दिवसया लसताय जूगु भेलासं नेमकिपा अछाम जिल्ला समितिया नायो भुङ्कर बहादुर शाही जुं सत्तारूढ नेकपा नक्कली कम्युनिष्ट धायोदिसे नेमकिपा नेपःया कम्युनिष्ट आन्दोलनय संशोधवादी वामपन्थी अवसरवादी व साम्राज्यवादया विरुद्धय संघर्ष याड च्वंगु पार्टी खः धायो दिल ।

ज्या इवःसं डम्बर बहादुर शाही, सुन्तला शाही, बालीसरा शाही, भुपेन्द्र शाही पिसं नं न्वचु तयो द्यगु खः ।

स्वपः

ख्वपया चांगुनारायण नगरपालिकासं जूगु ने.क्रा. किसान संघया केन्द्रीय न्वकु गोविन्द्र दुवालं नेमकिपा राजनीतिक सैद्धान्तिक लिधंसाय थापना जूगु व कम्युनिष्ट पार्टी शोषणया विरुद्धय दानिगु खॉ ब्याकदिल ।

नेमकिपा भक्तपुर जिल्ला समितिया नायो न्हुछे भक्त फोजुं ब्यापक जनताया भिं जुइगु समाजवाद व्यवस्था ह्यता नेमकिपा थापना जूगु खॉ ब्याक दिल ।

ज्या इवः गवसाखलया कजि रत्न बहादुर ह्योमिखाया सभा नयोलय जूगु खःसा रामकृष्ण त्यात, सानुकाजी दथेपुथे, श्री कृष्ण थापा, प्रकाश मिजार, इन्द्र बहादुर फौजु, सुर्य बहादुर फौजु पिसं नं न्वचु तयो द्यगु खः ।

अथेहे मध्यपुर थिमि नपा वडा नं. ५ य् जूगु स्थापना दिवसय् भक्तपुर जिल्लाया नायो न्हुछे भक्त फौजु, म.थि नपाया नायो सुर्यराम श्रेष्ठ, राजाराम प्रजापतिपिसं थः थः गु बिच प्वंक द्यगु खः ।

अथेहे नेमकिपाया केन्द्रीय दुजः सुनिल प्रजापतिया मू पाहाँलय् जूगु कैलाली जिल्ला समितिया गवसालय जूगु प्रशिक्षण ज्या इवःसं पार्टीया इतिहास व उद्देश्य काडदिल ।

दोलखा जिल्ला समितिया गवसालय जूगु ज्या इवःसं नेमकिपाया वैकल्पिक केन्द्रीय नारायण बहादुर दुवालजुं संशोधनवाद,



अवसरवाद, उदारवाद व अराजकतावादया विरुद्ध नेमकिपा संघर्ष याड च्वंगु खॉ काड दिल ।

अथेहे प्रदेश नं २ या रौतहट, नेमकिपाया केन्द्रीय दुजः रविन्द्र ज्याख्व जुं तराई व स्वनिगः या किसान आन्दोलनया पृष्ठभूमि नेमकिपा स्थापना जूगु खॉ काड दिल । नपां प्रशिक्षण ज्या इवः नं जुल ।

अथेहे उदयपुरय् जूगु स्थापना दिवसय् नेमकिपाया केन्द्रीय दुजः उकेश कवां नं क्रान्तिकारी परिवर्तन जुयता छगू ऐतिहासिक युग बिय फः । उकिता क्रान्तिकारी पासापिसं लगनशील जुयो ज्या सानय् मः धायोदिल ।

अथेहे दैलेख नेमकिपाया केन्द्रीय दुजः जग्य बहादुर शाही जुं सत्तासीन राजनीतिक दलं बेइमान यागुलिं देशय् सड्कट वगु खः धायो दिल ।



यें, नेमकिपा केन्द्रीय दुजः सनक मान महर्जन पार्टी प्रकाशन ब्वड हज्यायता सल्लाह बियो दिल । सर्लाही रविन्द्र ज्याख्वं, सिराहाय् उकेश कवां जू पिनिगु मू पाहाँलय् नेमकिपा पार्टी स्थापना दिवस डाय्कल ।


अथेहे पी न्ह्यकगु नेपाल मजदुर किसान पार्टीया निस्वाना दिवसया लसताय ख्वप नगरपालिकाया उप प्रमुख रजनी जोशीया मू पाहाँलय् ख्वप नगरपालिका वडा नं. १ या वडा कार्यालय आँखा शिविर ज्या इवः जुल ।

नेमकिपाया स्थापना दिवसया लसताय मिखाया शिबिर

(२०७७ माघ १० गते)



योसिंख्यलयया च्यासिमण्डप दानय् सिधल



च्याकगु नगर सभासं थी थी प्रस्ताव पारित जुल



शवासप्रशवास पुनःस्थापना केन्द्रया प्रस्ताव

(२०७७ माघ ४ गते)



आदर निकेतन सेवा व शिशु स्याहार व बाल विकास केन्द्र सञ्चालनया प्रस्ताव

(२०७७ माघ ६ गते)